



IZVJEŠTAJ

o radu Općinskog načelnika i Službi za upravu Općine Trnovo za 2021. godinu

Trnovo, februar 2022.godine

Poslovi i zadaci lokalne samouprave iz izvorne nadležnosti općine, kao i upravni poslovi koji se federalnim i kantonalnim zakonom stave u nadležnost općine, vrši Jedinostveni organ uprave, putem:

SLUŽBI ZA UPRAVU:

- **Služba za opću upravu, društvene djelatnosti, boračku - dječiju i socijalnu zaštitu,**
- **Služba za urbanizam, komunalne poslove i zaštitu čovjekove okoline,**
- **Služba za geodetske, imovinsko – pravne poslove i katastar nekretnina,**
- **Služba za civilnu zaštitu, inspeksijske i zajedničke poslove,**
- **Služba za privredu i finansije,**
- **Služba za investicije, lokalni ekonomski razvoj, informacione sisteme i odnose s javnošću**

POSEBNIH SLUŽBI OPĆINE

- **Stručna služba općinskog vijeća i općinskog načelnika.**

UVOD

2021. godinu obilježio je rad u otežanim uslovima uzrokovanim pojavom pandemije zarazne bolesti COVID 19. U skladu sa nastalom situacijom, preduzimate su preventivne mjere u cilju smanjenja opasnosti od širenja zaraze. Općinski Štab civilne zaštite Trnovo je radio na provođenju preventivnih mjera na smanjenju opasnosti od širenja zarazne bolesti uzrokovane koronavirusom na području Općine Trnovo.

Shodno naredbama Federalnog i Kantonalnog štaba civilne zaštite organizovan je i rad organa uprave u uslovima pojave pandemije, što je imalo veliki uticaj na samu organizaciju rada i izvršenje radnih zadataka i projekata tokom 2021. godine.

Prema važećem Pravilniku o unutrašnjoj organizaciji jedinstvenog općinskog organa uprave i posebnih stručnih službi Općine Trnovo sve poslove i zadatke iz nadležnosti organa uprave trenutno obavlja 59 zaposlenika (pravilnikom predviđeno 67) koji su posao obavljali zakonito i nepristrasno, stručno i efikasno, odgovorno i pouzdano, kreativno i motivirano i ljubazno sa razumjevanjem što je i oslikavalo politiku kvaliteta Općine Trnovo.

U 2021. godini kroz upisnik UP provedeno 1.622 akata, kroz djelovodnik provedeno 1.168 akata i kroz upisnik za ovjere 3.533 akata.

Općina Trnovo je i pored otežanih uslova rada, obezbjeđivala javnost rada u postupku donošenja odluka, uključivanjem javnosti, odnosno omogućavanjem građanima da neposredno učestvuju u postupku donošenja i odlučivanja, u skladu sa zakonom i statutom.

Transparentnost je obezbjeđivana kroz slobodu pristupa informacijama i informisanje javnosti, objavljivanje izvještaja, Budžeta i drugih sadržaja, putem sredstava javnog informisanja, vlastitog informacionog sistema i drugih oblika informisanja. Općina je objavljivala i na drugi način učinila javno dostupnim svoje propise i akte.

Općina Trnovo je u izvještajnoj godini radila na donošenju novih provedbeno planskih akata i izmjena i dopuna određenih urbanističkih projekata u cilju realizacije značajnih projekata za ove prostore.

Na osnovu provedenih situacionih i drugih kvalitativnih analiza postojećeg stanja, te pažljive procjene razvojnih mogućnosti, a u skladu sa vizijom održivog razvoja općine Trnovo, provedeni su i praćeni osnovni parametri strategije tj. razvojni prioriteti u oblasti životne sredine i infrastrukture, u oblasti ekonomskog i ruralnog razvoja, te u oblasti društvenog razvoja.

Općina Trnovo je u mjesecu martu uspješno provela online recertifikaciju sistema kvaliteta ISO 9001:2015.

U skladu sa normama međunarodnog standard ISO 9001:2015 vršeno je kontinuirano praćenje realizacije definisanih ciljeva kvalitete kao i njihovo redovno procjenjivanje i održavanje u okvirima definisanog nivoa. Na osnovu novih zahtjeva standarda izvršena i procjena rizika.

Općina Trnovo je zajedno sa drugim općinama Kantona Sarajevo, intenzivno radila na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana.

U ovom Izvještaju prezentirani su poslovi urađeni u 2021. godini iz djelokruga organa uprave i službi za upravu, u skladu sa Programom rada za 2021. godinu.

INTERNA REVIZIJA

U skladu sa Zakonom o internoj reviziji i Pravilnikom o kriterijima za uspostavljanje jedinice za internu reviziju u javnom sektoru u Federaciji Bosne i Hercegovine Općina Trnovo je obavezna uspostaviti internu reviziju. Interni revizor u svom radu primjenjuje Zakon o internoj reviziji u javnom sektoru u Federaciji BiH, Standarde interne revizije, Metodologiju rada interne revizije u javnom sektoru u Federaciji BiH, Priručnik za procjenu rizika i planiranje interne revizije u javnom sektoru u Federaciji BiH, Pravilnik o internoj reviziji u Općini Trnovo i Povelja interne revizije u Općini Trnovo.

Interni revizor je u okviru mogućnosti i okolnostima u prethodnom periodu sprovodio planirane revizije, te u skladu sa ciljevima revizija, date su preporuke za unapređenje procesa i metodologije rada gdje je to potrebno.

Tokom 2021. godine, Interni revizor je svoje djelovanje i aktivnosti posebno usmjerio na: Osiguranje efikasne, učinkovite i transparentne interne revizije u Općini, Ostvarivanje svih utvrđenih prioriteta i ciljeva Općine, Stvaranje uslova za efikasno, djelotvorno i učinkovito trošenje i prikupljanje budžetskih sredstava, Redovno izvještavanje Općinskog načelnika o svim aktivnostima u vezi rada interne revizije, stručnim revizorskim mišljenjima i preporukama, Usklađivanje rada interne revizije sa Zakonima o internoj reviziji i metodologijom rada koja proizlazi iz međunarodnih revizorskih standarda IIA, Kadrovsku osposobljenost i kontinuirano stručno usavršavanje, Izrada Strateškog i Godišnjeg plana interne revizije, Obavljanje redovnih i ad hoc revizija, Praćenje preporuka prethodnih revizija i Saradnja sa CHJ FMF.

Interni revizor je u toku 2021.godine izradio zakonski neophodne dokumente. Pripremljeni su Godišnji izvještaj interne revizije za 2020.godinu, Strateški plan interne revizije za 2022-2024.godinu, Godišnji plan interne revizije za 2022.godinu. Isto tako, nastavljena je redovna suradnja sa Općinskim načelnikom, Kolegijom Općine, Općinskim Vijećem, kao i svim službama, Općinskim Pravobranilaštvom,

uposlenicima u Općini, Centralnom harmonizacijskom jedinicom (CHJ) i drugim institucijama iz oblasti interne revizije.

Interni revizor je konstantno skretao pažnju na unaprijeđenje sistema FUK-a u Općini Trnovo, kao i da je neophodno da se rukovodioci službi detaljnije upoznaju s ulogom, važnošću i koristi interne revizije i njenim ciljem da doprinese poboljšanju poslovanja organizacije.

1. Služba za opću upravu, društvene djelatnosti, boračku - dječiju i socijalnu zaštitu

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 14 radnih mjesta.

U izvještajnom periodu služba je zaprimila 149 upravnih i 568 obična akta.

Građanska stanja i evidencije

| | |
|---|------|
| UPIS U MATIČNU KNJIGU ROĐENIH | 31 |
| UPIS U MATIČNU KNJIGU VJENČANIH | 16 |
| UPIS U MATIČNU KNJIGU UMRLIH | 36 |
| SMRTOVNICE | 30 |
| IZVJEŠTAJ O ZAKLJUČENJU BRAKA PROVEDENIH KROZ MATIČNE KNJIGE ROĐENIH I RAZVODI | 17 |
| IZVJEŠTAJ O SMRTI | 388 |
| PROVJERE UPISA U MATIČNU KNJIGU ROĐENIH I KNJIGU DRŽAVLJANA ZA IZDAVANJE BIOMETRIJSKIH L.K I PASOŠA | 518 |
| VERIFIKACIJE UPISA U MATIČNE KNJIGE: | |
| - MKR | 306 |
| - MKD | 166 |
| - MKV | 122 |
| - MKU | 40 |
| OSTALI AKTI | 54 |
| STATISTIKA I IZVJEŠTAJI | 12 |
| IZDATI IZVODI IZ MKR | 1769 |
| IZDATI IZVODI MKD | 184 |
| IZDATI IZVODI MKV | 243 |
| IZDATI IZVODI MKU | 193 |
| CENTAR ZA BIRAČKI SPISAK | |
| BROJ UNOSA U MATIČNE KNJIGE | 76 |

Donešeno je 29 rješenja o ispravkama u matičnim knjigama, 1. Rješenja o naknadnom upisu u matične knjige i 1 dopuna rješenja o upisu u matičnu knjigu rođenih.

Boračko-invalidska zaštita

Po Zakonu o dopunskim pravima boraca Kantona Sarajevo pokrenut je 91 postupak za ostvarivanje prava iz oblasti boračko-invalidske zaštite.

Od tog broja podneseno je:

- 17 zahtjeva za naknadu troškova dženaze za pripadnike OS R BiH, ratnih vojnih invalida i članova njihovih porodica i članova šehidskih porodica od kojih su svi pozitivno riješeni,
- 31 zahtjeva za egzistencijalnu naknadu za demobilisane borce, po federalnim propisima,
- 6 zahtjeva za egzistencijalnu naknadu za demobilisane borce, po propisima Kantona Sarajevo,
- 2 zahtjeva za oslobađanje obaveze plaćanja naknade za pogodnost /rente/ i naknade za uređenje građevinskog zemljišta.
- Nije bilo zahtjeva za priznavanje prava na besplatnu vožnju.
- 5 predmeta u postupku prestanka prava na zdravstvenu zaštitu pokrenuta po zahtjevu stranke,
- 13 zahtjeva za banjsko liječenje, o kojim odlučuje Kantonalno ministarstvo za boračka pitanja,
- 8 predmeta u postupku prestanka prava na porodičnu invalidninu po službenoj dužnosti – šehidska porodica

Po Zakonu o socijalnoj zaštiti, zaštiti civilnih žrtava rata i zaštiti porodice sa djecom pokrenuto je:

- 6 predmeta u postupku zakonske revizije na nastavak prava na porodičnu invalidninu civilnih žrtava rata /CŽR/,
- 45 postupaka po službenoj dužnosti, u postupku revizije prava na dječiji dodatak,
- 5 zahtjeva za naknadu za majke dok odsustvuju sa posla za vrijeme porođaja i njege djeteta, koji su pozitivno riješeni,
- 12 zahtjeva za naknadu za majke porodilja koje su prijavljene na biro za zapošljavanje, koji su pozitivno riješeni,
- 10 postupaka po službenoj dužnosti u obnovi prava na dječiji dodatak za RVI,
- 6 postupaka u predmetima prestanka prava na dječiji dodatak za RVI,
- 2 postupka u predmetima prestanka prava na zdravstvenu zaštitu RVI.

Redovno se vrši obračun egzistencijalne naknade demobilisanim borcima koji su to pravo ostvarili po federalnim ili kantonalnim propisima.

Vršen je redovan obračun naknada prema Naredbi o iznosima po Zakonu o socijalnoj zaštiti, zaštiti civilnih žrtava rata i zaštiti porodica sa djecom, kao i Instrukcijama o isplati koji se dostavljaju mjesečno od Ministarstva za rad i socijalnu politiku.

Takođe, vršen je redovan obračun sredstava ličnih i porodičnih invalidnina po Zakonu o pravima branilaca i članova njihovih porodica, a prema Naredbi Federalnog ministarstva za pitanja boraca.

Podrška iz oblasti socijalne zaštite

Općina Trnovo u okviru svoje djelatnosti vodi socijalnu i zdravstvenu politiku kroz brigu o djeci, starijim osobama, nezaposlenim osobama u teškoj materijalnoj situaciji, osobama oboljelim od teških oboljenja, borcima oboljelim od teških malignih bolesti, pomoć novovjenčanim parovima, pomoć porodiljama i dr.

Realizacija zahtjeva iz oblasti socijalne zaštite vršena je na osnovu podnesenih zahtjeva, uz priloženu dokaznu dokumentaciju.

Služba za opću upravu, društvene djelatnosti, boračko - invalidsku, dječiju i socijalnu zaštitu u 2021. godini je realizovala aktivnosti iz oblasti zaštite porodice sa djecom i zdravstvenu zaštitu.

Općina Trnovo je obezbjedila sredstva za 39 lica za zdravstvenu zaštitu lica starijih od 65 godina života koji ne ostvaruju ovo pravo po drugom osnovu.

U 2021. godini isplaćivane su i stimulatívne pomoći porodiljama u iznosu od 600,00 KM za svako rođeno dijete upisno u MKR – Trnovo, kao i pomoć novovjenčanim parovima u iznosu od po 500,00 KM, kako bi mlađe porodice ostajele da žive na ovim prostorima.

Obezbjeđena su i sredstva za prevoz djece sa posebnim potrebama- 4 porodice.

Općina Trnovo izdvaja i sredstva za 10 vozača koji vlastitim vozilima vrše prevoz učenika osnovne i srednje škole koji nemaju prevoza do škole, koja se refundiraju Sporazumom o zajedničkoj saradnji sa Ministarstvom saobraćaja Kantona Sarajevo.

U okviru raspoloživih kapaciteta, zaključno sa mjesecom decembrom 2021. godine pravo na zdravstvenu zaštitu osoba starijih od 65 godina života ostvaruje 39 lica koja to pravo ne mogu ostvariti po drugom osnovu.

U protekloj godini pokrenuto je 4 postupaka odjave osiguranja po službenoj dužnosti i 3 postupka prijave na zdravstveno osiguranje po zahtjevu stranke.

Za pomoći iz oblasti socijalne zaštite, koje daje Općina Trnovo zaprimljeno je 434 zahtjeva, od toga je :

- Jednokratna pomoć za socijalno ugroženo stanovništvo - zaprimljeno je 177 zahtjeva, od toga 167 pozitivno riješenih, a 10 zahtjeva nije zadovoljavalo uslove.
- Jednokratna pomoć za liječenje teških oboljenja - zaprimljeno je 140 zahtjeva od toga je 100 pozitivno riješenih, a 40 zahtjeva nije zadovoljavalo uslove.
- Jednokratna pomoć za liječenje malignih oboljenja za borce - zaprimljeno je 21 zahtjev samo je jedan negativno riješen.
- Pomoć porodiljama - zaprimljeno je 20 zahtjeva i svi su riješeni pozitivno.
- Pomoć za novovjenčane parove - zaprimljeno 10 zahtjeva i svi su riješeni pozitivno.
- Pomoć u sličaju smrti užeg člana porodice - zaprimljeno je 16 zahtjeva od čega je 9 riješeno pozitivno i 7 zahtjeva nije ispunjavao uslove.
- Zahtjevi za pomoć raznim udruženima, pojedincima institucijma idr...- zaprimljeno 60 zahtjeva od čega je 55 pozitivno riješeno i 5 zahtjeva nisu ispunjavali uslove.
- Zaštita starijih i iznemoglih lica kao i lica sa invaliditetom i porodica sa djecom obavlja se jednokratno po polugodišnjem planu obilazaka koji je preuzela Služba civilne zaštite Općine Trnovo za 2021 godinu.
- Pomoć u opremanju djece u školu prvih razreda ostvarilo je 4 prvačića i 13 porodica sa dvoje i više djece i 29 djece je ostvarilo pomoć za prevoz srednjoškolcima koji vozare iz Trnovo u gradske škole.
- Po javnom pozivu za pomoć oboljelim od COVID 19 podnešeno je 286 zahtjeva od kojih je 270 riješeno pozitivno,

- Iz službene evidencije za 82 lica je ostvarena novčana pomoć za sve RVI u iznosu od 50 KM, također je za 91 Šehidsku porodicu, a prema podacima iz službene evidencije dodijeljena novčana pomoć u iznosu od 50 KM, kao i korisnicima egzistencijalne naknade 66 lica.

Partnerski odnos sa boračkom populacijom

Svi bitni datumi i događaji su provedeni u skladu sa Kelendarom za obilježavanje značajnih događaja i datuma iz perioda odbrambeno oslobodilačkog rata 1992-1995. godina na području Općine Trnovo, kojim se definišu zmačajni događaji i datumi, određuje finansiranje, nosioci aktivnosti i način obilježavanja. Općina Trnovo svake godine izdvoji sredstva za finansiranje svih aktivnosti utvrđenim Kelendarom.

U 2021. godini oboljezeni su svi događaji i datumi prema općinskom i kantonalnom kalendaru uz poštivanje svih mjera zaštite od novonastale situacije izazvane epidemijom korona virusa (Covid-19), održavanjem svečanosti sa ograničenim brojem ljudi i polaganjem cvijeća.

Iako nadležnost za pružanje pomoći boračkim kategorijama imaju Ministarstva za boračka pitanja FBiH i KS, Općina Trnovo je:

- finansijski podržala sva udruženja koja okupljaju boračku populaciju sa svim zahtjevima upućenim prema Općini,
- pomoći u liječenju boračkih kategorija, svim pojedincima, pomoći u slučaju smrti užeg člana porodice, te svim koji su podnijeli zahtjeve preko udruženja na području Općine,
- podržani su i svi upućeni zahtjevi za naučno-istraživačke radove, diplomske post diplomske i dr zahtjeve koji su se na bilo koji način odnosili na pomoć borcima i članovima njihovih porodica,
- pomoć u paketima sa hranom je obezbjeđena za sve boračke kategorije za pomoć u borbi protiv novonastale situacije izazvane epidemijom korona virusa (Covid-19).

Podrška mladima i motivisanje za povratak i ostanak

I u 2021. godini Općina Trnovo je dodjelila stipendije učenicima srednjih škola i studentima na osnovu pravilnika o stipendiranju učenika srednjih škola i studenata koji imaju prebivalište na području Općine Trnovo, a koji ne koriste stipendiju po drugom osnovu. Nastavljena je praksa kao i u ranijim godinama pomoći manifestacijama kulturnog i sportskog sadržaja, a nije izostala ni pomoć sportskim i kulturnim društvima koje djeluju na području općine.

I u toku 2021. godine izraženi su veliki problemi u pogledu normalnog funkcionisanja javnog prevoza i to naročito minibuskog saobraćaja.

I pored veoma teške godine za javni gradski prevoz, održavaju se stalni kontakti sa predstavnicima GRAS-a, u cilju normalnog funkcionisanja javnog prevoza na području općine.

U cilju stimulisanja održivog povratka i ostanaka maladih općina je:

- Stipendirala 56 učenike srednjih škola koji stanuju na našoj Općini;
- Stipendirala 25 redovnih studenata tehničkog smijera s područja Općine;
- Stipendirala 17 studenta društvenog smjera iz porodica slabijeg imovinskog stanja;
- Jednokratno finansijski podržala 17 odličnih studenata na master i doktoratskom studiju i učenike srednjih škola koji nisu ostvarili stipendije;

- Realizovan javni poziv sufinansiranje prekvalifikacije mladih iz Općine i
- Kontinuirano podržavanje JU OŠ "Zaim Kolar" – Trnovo, u svim zahtjevima koji su pristigli prema Općini Trnovo;
- Općina Trnovo finansijski podržala projekt "Škola u prirodi" u saradnji sa Ministarstvom za obrazovanje, nauku i mlade KS-a;

Kultura

Ono što ističe i krase svaku društvenu zajednicu jeste kultura. Kultura je svuda oko nas-obuhvaća književnost, pozorište, film, muziku i druge oblike duhovnog stvaralaštva, običaje, tradiciju, jezik kojim govorimo, kulturno naslijeđe itd. Upoznavanjem sa različitim oblicima kulture čovjek neprestano gradi i usavršava svoju ličnost i karakter, obogaćuje svoj život novim stavovima i uopšteno širi sopstveno životno iskustvo.

Riječ kultura izvedena je iz latinskog jezika, od latinske riječi cultus u značenju nastanjivati, uzgajati, poštovati. Kultura predstavlja ukupnost obrazovanja, znanja, vještina, etičkih i socijalnih osjećaja, društvenog ophođenja i ponašanja nekog pojedinca u odnosu prema drugome. Ona se može nazvati svim onim što je čovjke stvorio i iskazao predmetima ili simbolima. Učestvovanjem i posmatranje različitih kultura sadržaja omogućava nam da jednu situaciju sagledamo na mlađo drugačiji način, da bolje razumijemo ljude, prihvatamo i cijenimo različitosti, te obogatimo naš život za neka nova iskustva, načine razmišljanja i uopšteno steknemo širi pogled na svijet.

KULTURNO UMJETNIČKA DRUŠTVA

Oblici djelovanja kulturno-umjetničkog društva (ansambli, sekcije, grupe) realizovali su niz umjetničkih sadržaja, sa kojima su obilježili protekli period veoma uspješno i održali nivo kontinuiteta, kvaliteta, kvantiteta i ukupnih organizacionih djelovanja i entuzijazma koji je evidentan i izražen u proteklom periodu.

KUD „Biseri Bjelašnice“ je udruženje koje djeluje petnaest godina, te na jedinstven način pokušava od zaborava da sačuva i na mlađe generacije prenese običaje, pjesme i igre naroda Bjelašničkog kraja. U društvu djeluje pjevački zbor izvornih pjesama koji na sceni u originalnom izvornom obliku u tradicionalnoj nošnji izvode: gange, bećarac, brojnice.

Danas društvo broji 200 aktivnih članova koji su raspoređeni u 3 ansambla i 50 starijih članova koji imaju za cilj da na mlade prenesu običaje i pjesme sa područja bjelašničkog kraja.

U sklopu programskih aktivnosti KUD-a, sve aktivnosti su otkazane zbog COVID-19.

Tradicionalni mevludi koji se na području općine odžavaju nisu primjerene manifestacije koje svojom sadržinom karakterišu kulturu. Treba ih podržati, omogućiti kontinuitet, ali im dati i nove sadržaje i vrijednosti. Istinske tradicionalne vrijednosti približiti urbanoj sredini.

Javorwood festival se održao od 1-3 augusta 2021. godine

Festival vrši promociju mladih umjetnika i stvaralaca, te daje priliku mladima da prezentuju i razmijene svoje talente, znanja i vještine. Javorwood predstavlja odličnu motivaciju i mogućnost za mlade kreativce kao mjesto gdje se njihove ideje, djela, radovi, projekti i vještine žele čuti i vidjeti. Na festivalu učestvuju DJ-evi, umjetnici,

bendovi, grafiteri. Objedinjavanjem prirode i umjetnosti, stvorili smo upotpunjenu cjelinu jednog festivala atraktivnog za ljude svih uzrasti.

Sport

Najšire gledano, sport je moguće definisati kao slobodnu ljudsku aktivnost usmjerenu na razvoj psiho-fizičkih sposobnosti. Nekad se nivo dostignutih sposobnosti iskazuje kroz takmičenje sa drugima i nastojanje da se ostvari maksimalni rezultat, dok se nekad radi o takmičenju sa samim sobom ili, pak, o fizičkoj aktivnosti usmjerenoj na unapređenje zdravlja ili na psihičku relaksaciju.

Općina Trnovo je u proteklom periodu, finansijski pomogla sljedeće subjekte i manifestacije: iznajmljivanje ski opreme povodom organizovanja skijanja za djecu šestih razreda OŠ "Zaim Kolar" sportske manifestacije u obilježavanju važnih datuma Općine Trnovo na nivou Mjsnih zajednica, održavanje Veteranski sportskih igara. Pomoć sportskim klubovima i pojedincima: Odbojkaški klub „Ilidža“, Konjički klub „Basquil“, Udruženje fudbalskih sudija Kantona Sarajevo, Kik boks klub „Kule“ Trnovo, Iron Puki Boxing Klub.

Udruženje „ATV QUAD KLUB BJELAŠNICA“, organizovao je moto manifestaciju na Bjelašnici koja je imala za cilj promociju turizma i prirodnih ljepota općine Trnovo. Zbog nastale situacije sa COVID-19, limitiran je bio broj učesnika.

Na Bjelašnici su održani košarkaški kampovi:

-Košarkaški kamp „KOŠARKA BEZ GRANICA 2021“

Uz rekordan broj košarkaša učesnika, gostiju i promotora otvoren je košarkaški kamp u organizaciji, KK Ilidža, KK BBY i KK Roling.

Kamp su posjetili naši poznati košarkaši i promotori Amar Gegić, Njegoš Sikiraš, Sani Čampara i Adnan Arsnalagić. Koji su ujedno otvorili kamp.

Konjički klub „BASQUIL“ 10.07.2021.godine organizovao takmičenje daljinskom jahanju-enduransu pod nazivom „BASQUIL BIG TRAIL 2021“ na stazi dugoj 60 km.

Udruženje Brskog Motociklizma BH MOTO RACING TEAM održao je takmičenje u motornim sankama pod nazivom „SnoCross-Bjelašnica“

REDOVNA SKIJAŠKA TAKMIČENJA KOJA SE ODRŽAVAJU NA BJELAŠNICI:

-FIS CUP „Djeca za mir u svijetu“

-FIS CUP „Srebrena Lisica“

-FIS CUP „Ilidža“

2. Služba za urbanizam, komunalne poslove i zaštitu čovjekove okoline

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 9 radnih mjesta. U izvještajnom periodu služba je zaprimila 615 upravnih predmeta i 519 običnih akata.

Služba je kontinuirano radila na pripremi tenderske dokumentacije. Koordinacija na realizaciji projekata predviđenih Programom rada Općinskog načelnika i službi za upravu kao i Programom naplate i usmjeravanja sredstava za 2021. godinu.

Oblast urbanizma i prostornog planiranja

Sredstva planirana od naplate rente, a usmjerila su se na izradu projekata:

- **Izrada Urbanističkog projekta Bukova ravan**
Zbog ne prihvatanja Strategijske procjene uticaja planova na okoliš od strane Ministarstva prostornog uređenja, građenja i zaštite okoliša nije se pristupilo izradi plana iako je ista izrađena od strane IG Banja Luka.
- **Izmjene i dopune Regulacionog plana Igman**
Zbog stava Ministarstva da se mora uraditi Strategijska procjena uticaja planova na okoliš nije se pristupilo izradi plana.
- **Izrada Urbanističkog projekta Proskok**
Proveden javni konkurs za izbor najboljeg arhitektonsko – urbanističkog rješenja. Izrađen i usvojen Nacrt plana i provedena javna rasprava.
- **Izmjene i dopune Urbanističkog projekta Gornja Grkarica**
Zbog ne prihvatanja Strategijske procjene uticaja planova na okoliš od strane Ministarstva prostornog uređenja, građenja i zaštite okoliša nije se pristupilo izradi plan iako je ista izrađena od strane IG Banja Luka.
- **Izrada Urbanističkog projekta Igman**
Zbog stava Ministarstva da se mora uraditi Strategijska procjena uticaja planova na okoliš nije se pristupilo izradi plana.
- **Izrada Urbanističkog projekta Kolijevka**
Pripremljen koncept plana
- **Izrada strateške procjene uticaja planova i programa na okoliš**
Urađen studija, koja nije usvojen od strane nadležnog ministarstva.
- **Izrada Plana parcelacije Kuća spasa**
Iz razloga što nisu usvojene Izmjene i dopune Regulacionog plana sportsko – rekreacionog područja Bjelašnica nije se pristupilo izradi plan.
- **Izrada projekta pješačke staze PSC-G.Grkarica**
Izrađen Glavni projekat pješačke staze.
- **Izrada projekta uređenja jahorinskog potoka u Kijevu**
Urađen glavni projekat.
- **Izrada projekta revitalizacije i uređenja naselja**
Urađen glavni projekat.
- **Izrada projekat centralnog vodovoda MZ Trnovo**
Izrađeno idejno rješenje centralnog vodovodnog sistema i glavni projekat za naselje Godinja.
- **Izrada projekta puta Šljemena-Argud**
Provedena tenderska procedura i izvršeno ugovaranje, izrada projekta u toku.

- **Izrada projekta Proskok –Krstac**
Urađen glavni projekat.
- **Izrada projekta vodosnadbijevanja naselja Vrela (Ozimine, Bobovica), Deseci, Kramari**
Urađen glavni projekat.
- **Izrada projekta prečistača**
Urađen glavni projekat prečistača u Bijeloj i pod Bobovicom.
- **Izrada projekta uređenja suhih potoka Omenik, Lukavac i Kramari**
Urađen glavni projekat.
- **Izrada prostornih 3D prikaza za idejna rješenja objekata.**
Urađen idejni projekat.
- **Izrada projekta vodovoda Štinji do-rezervoar Štinji do**
Urađen glavni projekat.
- **Izrada energijskog audita za javnu rasvjetu**
Urađen audit.

Izgradnja, rekonstrukcija, sanacija puteva

- **Sanacija puta Gornja Grkarica - Pendičići – Gornja Grkarica Prečistač**
Završeno 20 % ugovorenih radova na ovoj dionici puta.
- **Sanacija puta Gornja Grkarica - Sinanovići -dionica Mehki do Bare**
Riješeno pitanje odvodnje i izvršeno asfaltiranje dionice u dužini od 200m. Ugovor završen..
- **Sanacija puta Gornja Grkarica – Sinanovići-dionica Šegna-Ploče.**
Riješeno pitanje odvodnje i izvršeno asfaltiranje dionice u dužini od 200m. Ugovor završen
- **Sanacija puta Gornja Grkarica - Sinanovići -dionica ispod Kramara.**
Riješeno pitanje odvodnje i asfaltirana dionica puta.Ugovor završen.
- **Izgradnja kružnog toka na Grkarici i dionice puta prema Igmanu.**
Izgrađen kružni tok na G.Grkarici i asfaltirana dionica puta prema Igmanu.Ugovor završen
- **Sanacija puta Garež – Delijaš**
Riješena odvodnja i izvršeno asfaltiranje dionice Magistralnog puta u dužini od cca 1100 metara, kao i sanacija i asfaltiranje puta pod Teljigom u dužini od 600 m. Ugovor završen.
- **Sanacija i asfaltiranje puteva**
Izvršena sanacija i asfaltiranje puteva Ivanovog polja, Jastrebine, Dujmovići, Bare i Omenik.
- **Asfaltiranje lokalnih puteva**
Izvršeno asfaltiranje puteva u naselju Brutusi, Pendičići, Gračanica, Jablanice i saobraćajnica kod Piccolo Monda na Bjelašnica te sanacija puteva u naseljima Lisovići, Barice i Mađari.
- **Zimsko održavanje puteva**
Vršeno čišćenje lokalnih puteva u svim MZ i Kijevu a prema planu i programu. Općina Trnovo finansirala zimsko održavanje regionlanog puta R 907 dionica Umoljani-Elezovići.
- **Sanacija i asfaltiranje puta za Straište**
Izvršeno asfaltiranje planirane dionice.
- **Sanacija i asfaltiranje šumskih puteva**
Izvršeno asfaltiranje puteva za staro Greblje – Jastrebine, Rakitnica – Zarije i Bare – Omenik.

- **Sanacija i asfaltiranje puteva uz učešće građana**
Izvršeno asfaltiranje puteva za Umčane, Bobovica, Jablanica I te sanacija puta u Trebečaju i Gornjoj Presjenici.

Izgradnja Poslovno – sportskog centra

- **Izgradnja sportskih terena**
Izvedeni svi pripremni radovi.
- **Izgradnja terena sa balonom**
Izvršeno betoniranje temelja i nasip na lokaciji terena
- **Izgradnja sportske dvorane i relax zone**
U toku izvođenje građevinskih radova na izgradnji sportske dvorane i relax centra. Urađen montažni sistem na sportskoj dvorani, konstruktivni radovi prefabrikovani betonskih elemenata, urađen krovni pokrivač od termopanela, urađena fasada termopanela, urađene instalacije vodovoda i kanalizacije, dio mašinskih instalacija. Urađeni su također radovi na konstrukciji monolitnog betona na relax centru, postavljena je fasadna bravarija i urađeni su slojevi ravnog krova.
- **Izgradnja administrativnog objekta**
U toku izvođenje građevinskih radova na izgradnji objekta. Konstruktivni radovi su u završnoj fazi (izvedeni radovi na monolitnoj AB konstrukciji na etaži suterena, prizemlja, I,II,III i IV sprata i preostali radovi na mansardi i krovnoj ploči).
- **Izgradnja infrastrukture u poslovno -sportskom centru**
Izvršeno probijanje trase puta u obuhvatu i završeni radovi na izgradnje kanalizacione (fekalne i oborinske) i vodovodne mreže. Urađena je također i jedna pumpna stanica za vodu.

Izgradnja vodovodne i kanalizacione mreže

- **Izgradnja rezervoara Javorov do**
Radovi u završnoj fazi.
- **Izgradnja vodovoda za Poslovno -sportski centar**
Završeni radovi na izgradnji vodovoda za PSC centar
- **Izgradnja vodovoda za Godinju**
U toku je izvođenje radova na drugoj fazi izgradnje vodovoda Godinja, i urađen cjevovod u dužini od 700 m, radovi na probijanju pristupnog puta i rezervoara su u toku.
- **Izgradnja postrojenja za tretman otpadnih voda na Gornjoj Grkarici**
U toku su radovi na izgradnji elektroinstalacija, završen dio građevinskih i zanatskih radova na objektima.
- **Opremanje bioprečistača u Šabićima**
Ugovor završen

Ostali objekti

- **Izgradnja garaže**
Završeni radovi na izgradnji sprinkler postrojenja i ventilacije te dio građevinskih radova. Preostali radovi u objektu garaže će se okončati u narednoj godini.
- **Izgradnja škole u prirodi**
Završeni radovi na I fazi opremanja škole u prirodi. Izvršeno opremanje

prizemlja (kuhinje) i kamin sale na spratu. U toku je procedura priključka na elektro mrežu.

- **Izgradnja objekta za zdravo starenje.**
Projekat u početnoj fazi izgradnje.
- **Izgradnja planinarskog doma na Pandurici**
Izrađen Glavni projekat ali se nije pristupilo izvođenju radova zbog nerješениh imovinskih odnosa. Potpisan ugovor sa izvođačem radova. Planirani početak radova je proljeće 2022. godine.
- **Rekonstrukcija kuće spasa**
Izvedeni grubi građevinski i zanatski radovi kao i grijanje u objektu. Preostaje montiranje unuštašnje stolarije i sanitarije.
- **Izgradnja mostova**
Potpisan ugovor za izgradnju mosta na rijeci Rakitnici.
- **Izgradnja i održavanje javne rasvjete**
Provedena tenderska procedura i izvršeno ugovaranje. U toku radovi na proširenju javne rasvjete u svim MZ na području općine Trnovo. Održavanje rasvjete vrši preduzeće KJKP Park iz Sarajeva. Proširenje javne rasvjete vršeno u naseljima Trnovo, Godinja, Pendičići, Gračanica, Gaj, Bijela, Ostojići, Dejčići, Džanići, Govedovići, Lukavac, Brda, Milišići, Umoljani, Bobovica, Elezovići, Rakitnica, Šabići, Sinanovići, Žilići, Ozimine, dok je javna rasvjeta dovedena i u naselja Brutusi (dio), Omenik, Rahovići, Vrela.
- **Sanacija bunarice u naselju Lukavac**
Projekat završen.
- **Izgradnja javnih česama**
Završena građevinski radovi na česmama u Sinanovićima i Delijašu. Ostalo oblaganje kamenom i limom.
- **Izgradnja vodopojilišta Stubo i drvenih korita na vodopojilištima**
Projekat završen.
- **Izgradnja ograda na grobljima**
Završen projekat izgradnje ograde na mezarju Kramari. U toku izgradnja ograde na mezarju u naselju Odžak.
- **Nabavka mobilijara za praznično ukrašavanje.**
Projekat završen.
- **Izvođenje radova i opremanje prostora za arhivu**
Projekat završen.
- **Interventne mjere i pomoć drugim općinama**
Izdvojena sredstva za pomoć povratnicima u općine istočne Bosne za izgradnju infrastrukture.
- **Izgradnja ograde za zaštitu izvorišta**
Projekat završen.
- **Hitne intervencije na infrastrukturnim objektima**
Rađeno na sanaciji infrastrukture na cijeloj općini (putevi, odroni, čišćenje snijega, korita rijeka i sl.)
- **Uređenje korita Rakitnice, Crne rijeke, uređenje suhих korita i hitne intervencije na čišćenju bujičnih potoka**
Završeni planirani radovi na uređenju korita rijeke Rakitnice, Crne rijeke, Katanskog potoka, Tušiočkog potoka i Omenika.
- **Izgradnja nastrešnica u naseljenim mjestima.**
Projekat završen.
- **Rekonstrukcija sportske plohe u Dujmovićima**
Projekat završen.
- **Izgradnja olimpijskih krugova na Bjelašnici.**

Projekat završen.

- **Obnova stambenih objekata**
Projekat realizovan u planiranom obimu.
- **Fond za poplave**
U novembru mjesecu dodjeljena sredstva licima čija su materijalna dobra najviše oštećena u toku poplava.

Ostale usluge

- **Vršenje stručnog nadzora**
Nadzor na izgradnji objekata vršila firma Arting BH doo a poslije raskida ugovora nadzor nastavlja da vrši Radis d.o.o. Zavod za izgradnju Kantona Sarajevo je vršio nadzor nad projektima koje je općina Trnovo sufinansirala sa ministarstvima Vlade Kantona Sarajevo.
- **JP Elektro Trnovo**
Podnesen samoinicijativni zahtjev za dodjelu koncesije za izgradnju VE na Štinoj lokvi i Prečkom polju.
- **KJKP Park**
Izvršeno sađenje drvoreda uz šetnicu pored Srebrne lisice do stadiona na Babinom dolu
- **JKP Trnovo**
U okviru projekta izgrađen dio cjevovoda u naselju Turovi sa vodozahvatom. Dio cjevovoda u naselju Brutusi, dio cjevovoda u naselju Dujmovske Bare, dio cjevovoda u naselju Presjenica, u funkciju stavljena pumpna stanica Umoljani, nabavka naplatne rampe za parking u garaži na Bjelašnici, stavljena u funkciju pumpna stanica Velika Vrela. Potpisan ugovor sda KJKP VIK Sarajevo d.o.o. o isporuci vode na prostoru Babinog dola. Urađeni projekti izgradnje ograda na Kući spasa i Stubom.
- **Izgradnja dječijeg igrališta na Bjelašnici**
Projekat završen.

Zajednički projekti sa drugim investitorima

- **Izgradnja javne rasvjete Opštini Trnovo RS**
Sredstva doznačena Opštini Trnovo.
- **Izgradnja puteva u RS**
Sredstva doznačena Opštini Trnovo RS.

3. Služba za geodetske, imovinsko – pravne poslove i katastar nekretnina

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 4 radna mjesta. U izvještajnom periodu služba za geodetske, imovinsko - pravne poslove i katastar nekretnina zaprimila je 744 upravnih predmeta i 1422 običnih akata.

Prema sačinjenom Programu rada za 2021. godinu služba kontinuirano radi prvenstveno po zahtjevu građana, pravnih lica, organa i organizacija radi ostvarivanja određenih prava i obaveza. Aktivno učestvuje u realizaciji projekata predviđenih Programom rada Općinskog načelnika i službi za upravu kao i Programa naplate i usmjeravanja sredstava.

U izvještajnom periodu služba je radila na sljedećim poslovima:

- Vršila izdavanje podataka iz službene evidencije katastra nekretnina.

| Vrsta dokumenta | Broj izdati dokumenata |
|------------------------------------|------------------------|
| Kopija katstrskog plana | 1755 |
| Izvod iz katastrskoknjižnog uloška | 728 |
| Uvjerenja o imovini | 247 |

- Ažurirala evidenciju o kućnim brojevima i vršila izadanje potvrda o kućnom broju.

| Vrsta dokumenta | Broj izdati potvrda |
|------------------------|---------------------|
| Potvrda o kućnom broju | 208 |

- Vršila usluge cijepanje parcela, snimanje izgrađenih objekata, etažiranje objekata, provođenje nastalih promjena na planu i provođenje promjena nosioca prava u katastru nekretnina.

| Vrsta usluge | Broj usluga |
|---|-------------|
| Cijepanje parcele | 75 |
| Uplana novoizgrađenog objekta | 11 |
| Provođenje promjena nosioca prava i promjena na planu | 609 |
| Etažiranje | 8 |
| Isplana objekta | 2 |

- Rješavala imovinsko- pravne odnose u cilju sanacije puta u naselju Pendičići .
- Rješavala imovinsko- pravne odnose na dijelu puta Babin Do-Šabići.
- Rješavala imovinsko- pravne odnosa za zemljište potrebno za izradnju kompleksa škole u prirodi u Šabićima.
- Rješavala imovinsko -pravne odnose za zemljište potrebno za osnovnu školu u Dejčićima.
- Kontinuirano pratila realizaciju infrastrukturnih projekata (izgradnja rezervoara, vodovodni sistema, kanalizacije, uređenja korita rijeka u cilju iskolčenja i rješavanja imovinsko pravnih odnosa.
- Iskolčenje objekta za zdravo starenje u Trnovu, igrališta za djecu na Bjelašnici.
- Pripremala prijedloge akata za općinsko vijeće Trnovo iz nadležnosti službe.
- Dostavljala prijedloge i aktivno učestvovala u javnim raspravama prilikom donošenja prijedloga Zakona iz oblasti stvarnih prava, građevinskog zemljišta, Zakona o šumama, Zakona o vodama i dr.
- Prvobranilaštu općine Trnovo dostavljala podatke iz službene evidencije i mišljenja vezana za rješavanje imovinsko pravnih odnosa općine Trnovo.
- Provela postupak uspostave prava građenja na zemljištu u vlasništvu općine Trnovo a u svrhu izgradnje civilnog strelišta.
- Provede postupak eksproprijacije na zahtjev JP ceste Federacije BiH u svrhu rekonstrukcije magistrale ceste M 18.1, DIONICA Garež-Delijaš, općina Trnovo.

U svrhu realizacije urbanistički projekta služba je vršila sljedeće poslove:

Urbanistički projekat Bjelašnica II faza

Izvršena je parcelacija građevinskog zemljišta, građevinske parcele prenesene na teren te izvršeno snimanje i uplana novosagrađenih objekata.

- **Urbanistički projekat Bjelašnica I faza**
Izvršena je parcelacija građevinskog zemljišta, građevinske parcele prenesene na teren i u skladu sa stvarnim pravima pristupilo se raspolaganju neizgrađenog građevinskog zemljišta u vlasništvu Općine Trnovo. Snimanje i uplana novosagrađenog objekta.
- **Urbanistički projekat “Poslovno-sportski centar Trnovo”:**
Na osnovu Odluke o načinima i uvjetima raspolaganja nekretninama u vlasništvu Općine Trnovo, raspisan je javni oglas za prodaju putem licitacije neizgrađenog građevinskog zemljišta i putem notarski obrađenih ugovora prodana lokacija najpovoljnijem ponuđaču. Izvršena je parcelacija građevinskog zemljišta, građevinske parcele prenesene na teren.

- **Urbanistički projekat “Bjelašnica Štinji Do”**
U postupaku eksproprijacije zemljište obuhvaćeno Urbanističkim projektom “Bjelašnica Štinji Do” eksproprijirano, plaćena naknada i na predmetnom zemljištu uknjiženo pravo vlasništva u korist općine Trnovo. Izvršeno cijepanje parcela u skladu sa analitičkom obradom podataka i formirane građevinske parcele.
- **SRC Bjelašnica, Donja Grkarica, Prečko Polje, Kolijevka – I faza Prečko polje:**
Izvršena je parcelizacija i prenos građevinskih parcela na teren sa iskolčenjem građevinskih objekata na teren.

Općina Trnovo je od Federalne uprave za geodetske poslove dobila u trajno vlasništvo opremu i finansiranje održavanje programa za katastar i njenu prezentaciju putem adrese www.katastar.ba. Na navedenoj adresi su dostupni podaci za katastar Općine Trnovo, a napravljena je i veza sa geoportalom gdje je moguće na ortofoto planu očitati broj, naziv i površinu parcele i katastarsku općinu. Pušten u rad softver za adresni registar (numeracija kućnih brojeva) i vrši se redovno ažuriranje podataka. Pušten je u rad i softver za registar cijena u saradnji sa Poreznom upravom FBiH i Federalnom upravom za geodetske i imovinsko pravne poslove FBiH.

4. Služba za civilnu zaštitu, inspeksijske i zajedničke poslove

Prema sačinjenom Programu rada za 2021. godinu Služba za civilnu zaštitu, inspeksijske i zajedničke poslove Općine Trnovo djelovala je i izvršavala svoje obaveze u okviru zakona i svojih ovlaštenja.

Poslovi iz djelokruga rada ove službe vrše se bez unutrašnjih organizacionih jedinica. Općinsko vijeće Trnovo je na sjednici od 16.09.2021. godine, donijelo Odluku o organizaciji Jedininstvenog općinskog organa uprave i posebnih stručnih službi općine Trnovo kojom je promijenjen naziv Službe jer su ovoj službi pridodati i zajednički poslovi koji su ranije bili u sastavu Službe za opću upravu društvene djelatnosti, boračko-invalidsku, dječiju i socijalnu zaštitu. Zajednički poslovi obuhvataju poslove fizičkog obezbjeđenja općine, poslovi higijenskog održavanja, vozači, poslovi tehničkog održavanja i poslovi portira-recepcionar.

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 15 radnih mjesta /3. državna službenika i 12. namještenika/. U izvještajnom periodu služba za civilnu zaštitu, inspeksijske i zajedničke poslove zaprimila je 20 upravnih predmeta i 291 običnih akata. Veliki broj zaprimljenih akata odnosio se na prijavu šteta od poplava koje su zadesile općinu Trnovo u periodu od 04.-06.2021. godine.

Od poslova na kojima je rađeno u protekloj godini važno je izdvojiti aktivnosti na prikupljanju i predaji NUS-a, aktivnosti na gašenju požara i poduzimanje preventivnih protiv-požarnih mjera, aktivnosti na evidentiranju i sanaciji klizišta, aktivnosti na evidentiranju šteta od olujnih vjetrova i pružanje pomoći od istih, aktivnosti na poduzimanju preventivnih mjera i otklanjanju posljedica od snijega i snježnih nanosa, kontinuirane aktivnosti na praćenju stanja i provođenju mjera zaštite od COVID-19, aktivnosti na zaštiti od poplava, procjeni šteta od poplava, saniranje od posljedica poplava i dodjela pomoći najugroženijem stanovništvu od poplava u novcu, hrani, građevinskom materijalu i drugih neophodnim sredstvima, te aktivnosti iz nadležnosti inspeksijskog nadzora iz nadležnosti općine.

Služba civilne zaštite vrši i redovno prati popunu svih struktura civilne zaštite prema utvrđenoj formaciji. Po uzoru na druge službe civilne zaštite u Sarajevskom Kantonu

dovedena je formacija u realne okvire. Popunjenost sa MTS-om je potpuno nezadovoljavajuća. Služba civilne zaštite stalno je angažovana na preventivnom djelovanju nastanka uzroka i pojava koje mogu dovesti do neželjenih posljedica kao i sugerisanje određenim subjektima na poduzimanju mjera iz njihove nadležnosti.

Smatramo da se u narednom periodu pored kadrovske osposobljenosti velika pažnja mora posvetiti i materijalnoj opremljenosti i osposobljenosti Službe za civilnu zaštitu i jedinica civilne zaštite, kako bi ova služba mogla adekvatno odgovoriti na pojavu eventualnih prirodnih i drugih nesreća koje zahtijevaju njeno angažovanje. Moramo napomenuti da zbog nedostaka sredstva, opreme i nedovoljnog ulaganja u strukture civilne zaštite, angažman civilne zaštite se uglavnom odnosi na praćenje i evidentiranje neželjenih pojava i posljedica, te saradnja i koordinacija sa drugim subjektima koje mogu pomoći da se neželjene pojave spriječe i pomognu u saniranju od posljedica ovih pojava.

U proteklom periodu ova služba je imala dobru saradnju sa svim drugim službama i organima viših nivoa vlasti. U sufinansiranju mjera zaštite i spašavanja u velikoj mjeri učestvuje Kantonalna uprava Civilne zaštite Kantona Sarajevo koja je svojim sredstvima pomagala u provođenju mjera zaštite i spašavanja i ublažavanju i saniranju posljedica prirodnih i drugih nesreća na području općine Trnovo.

Takođe postoji kontinuirana saradnja sa Federalnom upravom civilne zaštite, Oružanim snagama BiH, Ministarstvo unutrašnjih poslova, Centrom za uklanjanje mina u Bosni i Hercegovini, kao i drugim organima koji učestvuju u mjerama zaštite i spašavanja.

Po prijavama od strane građana izloženo je na lice mjesta i vršeno uklanjanje ili obilježavanje MESA- ili NUS-a i njegova predaju timovima za uništavanje istih.

BH MAC-u, Regionalni ured Sarajevo, Federalnoj upravi C Z dostavljeni planovi priotiteta za deminiranje u 2021. godini na osnovu kojeg su izrađeni projekti deminiranja. Na osnovu ovih projekata potrebno je iznaći finansijska sredstva za njihovu realizaciju.

Inspekcijski nadzor

U okviru službe za civilnu zaštitu, inspekcijske i zajedničke poslove, urbanističko – građevinski, inspektor za ceste i komunalni inspektor su izvršavali zadatke i vodili postupak upravnog rješavanja u skladu sa Zakonom o upravnom postupku Federacije ("Službene novine Federacije" broj 2/98 i 48/99), Zakon o inspekcijama Federacije BiH ("Službene novine FBiH", broj: 69/05, 73/14 i 02/17) Zakonom o inspekcijama Kantona Sarajevo ("Sl. novine Kantona Sarajevo", br. 2/2017 i 37/2021), Zakonom o prostornom uređenju Kantona Sarajevo («Službene novine Kantona Sarajevo» broj 24/2017 i 1/2018), Zakonom o prekršajima Federacije Bosne i Hercegovine («Službene novine FBiH» br. 63/14), Zakonom o komunalnim djelatnostima ("Službene novine Kanton Sarajevo: 31/04, 21/05 i 14/16), Zakonom o privremenom korišćenju javnih površina na području Kantona Sarajevo ("Službene novine Kantona Sarajevo", broj: 20/04, 26/12, 32/12 i 24/15), Odlukom o legalizaciji građevina bez odobrenja za građenje i građevina privremenog karaktera ("Službene novine Kantona Sarajevo", broj: 6/06, 18/08, 35/12, i 51/15), Uredbom o opštim uslovima za snabdjevanje vodom za piće, obradu i odvođenje otpadnih i atmosferskih voda ("Službene novine Kantona Sarajevo", broj 29/13) i ostalim zakonskim propisima.

Urbanističko-građevinski i inspektor za ceste

U toku izvještajnog perioda urbanističko-građevinski i inspektor za ceste rješavali su predmete koji su se odnosili na upravno rješavanje i izricanje zakonom propisanih mjera iz nadležnosti ove inspekcije.

Inspekcijski pregledi su vršeni na osnovu prijave građana, a takođe i redovnim i preventivnim obilaskom područja općine Trnovo.

U većini predmeta koji su se odnosili na upravne predmete, izvršene su provjere na terenu, kontrola dokumentacije potrebne za građenje, kontrola izgradnje objekata i u skladu sa utvrđenim činjeničnim stanjem, nalagane i donošene mjere, odnosno rješenja za izricanje zakonom propisanih mjera, gdje je bilo potrebe, o čemu su podnosioci prijave i druge strane u postupku bile blagovremeno obavještene.

Inspektor se odazivao na pozive građana i drugih lica po pitanjima za koje nije imao nadležnost, na terenu je izvršena provjera navoda i upućeni nadležnim organima na dalje postupanje.

U skladu sa odredbama člana 147. Zakona o prostornom uređenju Kantona Sarajevo («Službene novine Kantona Sarajevo» broj 24/2017 i 1/2018) i člana 87. Zakona o organizaciji organa uprave u F BiH) («Službene novine F BiH», br.35/05) i na pismeno traženje Kantonalne inspekcije, nadležni općinski inspektor je Kantonalnoj upravi za inspekcijske poslove dostavio Izvještaj o radu urbanističko-građevinskog inspektora za prethodnu godinu, kao i stanje bespravne izgradnje na teritoriji općine, te spiskove izdatih odobrenja za građenje u 2021. godine

Ovdje treba napomenuti da je u izvještajnom periodu inspektor rješavao predmete koji su započeti u protekloj godini pa je nastavak upravnog postupaka vođen i u izvještajnom periodu. Vršena je kontrola građenja i učesnika u građenju te da li se odvija u skladu sa propisanim zakonskim odredbama, odnosno sa ovjerenom projektnom dokumentacijom i izdatim odobrenjem za građenje.

U okviru svoje nadležnosti urbanističko-građevinski inspektor je u izvještajnom periodu vršio kontrolu donesenih rješenja o urbanističkoj saglasnosti, odobrenju za građenje i upotrebni dozvola koje je donijela nadležna općinska služba prema odredbama Zakona o prostornom uređenju («Službene novine Kantona Sarajevo» broj 24/17 i 1/18).

U izvještajnom periodu je nastavljen i postupak za predmete koji su započeti u 2020. godini.

U okviru izvršavanja poslova iz svoje nadležnosti urađeno je 65 zapisnika na licu mjesta, doneseno 9 rješenja kojim su naložene upravne mjere, 9 zaključaka o dozvoli izvršenja rješenja, 9 zahtjeva za pokretanje prekršajnog postupka, te 31 opći akt po raznim osnovama.

U izvještajnom periodu je izvršeno jedno prisilno uklanjanje objekata. Sve žalbe na donešene upravne akte su odbijene kao neosnovane od strane drugostepenog organa, a u jednom predmetu je pokrenut upravni spor. Urbanističko-građevinski i inspektor za ceste je obavijestio Službu za urbanizam, građenje, komunalne poslove i zaštitu čovjekove okoline o postojanju razloga za proglašenje 2 (dva) rješenja ništavnim. U rješenju kojim je izdata urbanistička saglasnost za izgradnju stambenog objekta na javnoj površini koja je u vlasništvu općine Trnovo, utvrđene su povrede zakona i rješenje je kao takvo poništeno od strane službe koja je i donijela rješenje, a o svemu je obaviješteno i Pravobranilaštvo općine, što je i zakonska obaveza, a u smislu poduzimanja mjera i pravnih sredstava, radi pravne zaštite imovine i imovinskih odnosa općine Trnovo, kako je i propisano zakonom, dok se o drugom predmetu nadležna Služba za za urbanizam, građenje, komunalne poslove i zaštitu čovjekove okoline još uvijek nije oglasila, a i u ovom predmetu blagovremeno je obaviješteno i Pravobranilaštvo općine Trnovo, što je i zakonska obaveza, a u smislu poduzimanja mjera i pravnih sredstava, radi pravne zaštite imovine i imovinskih

odnosa općine Trnovo. Postupajući Urbanističko-građevinski i inspektor za ceste će u narednom periodu, po službenoj dužnosti, nastaviti izvršavati zakonom predviđene radnje i obaveze.

Komunalni inspektor

U izvještajnom periodu inspekcijski poslovi su vršeni kroz redovne i vanredne kontrole, kao i intervencije na osnovu usmenih, pismenih i e-mail predstavlki stranaka.

Komunalni, urbanističko – građevinski i inspektor sa ceste Općine Trnovo na teren, odnosno u inspekcijke preglede odlaze u paru zbog lične sigurnosti.

Komunalna inspekcija Općine Trnovo je vršila inspekcijski nadzor nad provođenjem postojećih propisa koji regulišu komunalnu oblast definisanu Zakonom o komunalnim djelatnostima Kantona Sarajevo ("Sl. novine Kantona Sarajevo", br. 14/2016, 43/2016, 10/2017 - ispr., 19/2017, 20/2018 i 22/2019) i Zakonom o privremenom korištenju javnih površina na području Kantona Sarajevo Zakon o privremenom korišćenju javnih površina na području Kantona Sarajevo ("Službene novine Kantona Sarajevo", broj: 20/04, 26/12, 32/12 i 24/15),

Vršeci inspekcijski nadzor u 2021. godini komunalni inspektor je:

izvršio 89 inspekcijskih nadzora (vršenjem inspekcijskog nadzora pravna lica, fizička lica i građani su upozoravani na utvrđene nepravilnosti koje su najčešće otklanjane pri dolasku inspektora ili po inspekcijskom zapisniku, a za one koji to nisu učinili donesena su rješenja o otklanjanju nedostataka),

donešeno je 11 rješenja o otklanjanju nedostataka koji su uglavnom doneseni po službenoj dužnosti, a u određenom broju i po inicijativi građana i

7 rješenja su u postupku izvršenja;

Komunalni inspektor je zaprimljene predmete koji nisu u njenoj nadležnosti komunalne inspekcije prosljeđivao Kantonalnoj upravi za inspekcijske poslove, te rađeni su i drugi dopisi, informacije i sl.

Inspekcijski pregledi su se najviše odnosili na uključenost u organizovani odvoz smeća, zauzimanja javnih površina, izlaganje robe, odlaganje građevinskog materijala i drugo. Takođe, aktivnosti su vođene oko čišćenja zaprljanih javnih površina, na kontrolu ulične prodaje bez odobrenja, odlaganje i odvoz komunalnog otpada, prekopavanja javnih saobraćajnica i zelenih površina.

Kada je u pitanju zauzimanje javnih površina za postavljanje ljetnih i zimskih bašta, izlaganje robe, uglavnom su subjekti pribavljali odgovarajuća odobrenja, što je rezultat višestrukih inspekcijskih pregleda kod tih korisnika javnih površina tokom tekuće i ranijih godina.

Komunalni inspektor je u nevedenom izvještajnom periodu izlazio na teren da provjerava priključke na vodovodnu mrežu, te provjeravao da li su septičke jame urađene po propisima.

Deminiranje, uklanjanje i predaja NUS-a

Zbog promjene u pristupu deminiranja Centra za uklanjanje mina BiH (BH MAC) u 2021.godini nisu dostavljane BH MAC-u liste prioriteta za deminiranje, niti su u prethodnoj godini vreše bilo kakve protuminske aktivnosti. U saradnji sa OS BiH, dogovorene se aktivnosti na deminiranju oko 1,7 km² minsko sumnjive površine (MSP), na lokalitetu Prečani-Proskok.

Još uvijek na području općine Trnovo prema evidenciji BH MAC-a ima oko 16 km² minsko sumnjive površine I, II i III proriteta koje bi trebalo deminirati, ali zbog nedostatka sredstava i visoke cijene deminiranja nismo bili u mogućnosti realizovati sve projekte deminiranja.

Pod pojmom NUS-a podrazumjevaju se sva upotrijebljena, a neeksplozirana, rasturena, zaboravljena, zatrpana, potonula ili na neki način izmakla nadzoru ovlaštenih osoba ubojna sredstva.

Prema prijavama građana i drugih organa nadležni timovi za uklanjanje NUS-a su izlazili na teren i vršili uklanjanje istih.

Prirodne i druge nesreće

Požari

Općina Trnovo, putem svoje Službe civilne zaštite u skladu sa zakonskim obavezama, a u okviru svojih ljudskih i materijalnih potencijala, nastoji poduzimanjem preventivnih mjera spriječiti nastanak požara te otkloniti i umanjiti eventualne posljedice ovih požara.

Uspostavljena je dobra saradnja i koordinacija sa Profesionalnom vatrogasnom brigadom Kantona Sarajevo, dobrovoljnim vatrogasnim društvima, posebno sa Vatrogasnim društvom "Trnovo", Policijskim odjeljenjem Trnovo, nadležnim inspekcijama i drugim organima koji se bave ovom problematikom.

Putem Službe prije početka požarne sezone, posebno u martu i aprilu, po svim mjesnim zajednicama podijeljen je veliki broj pismenih upozorenja o zabrani loženja vatre u blizini šuma, sa posebnim isticanjem krivične odgovornosti zbog kršenja člana 323. Krivičnog zakona FBiH, kojim je zapriječena kazna zatvora u trajanju od 3 mjeseca do tri godine, za sve one koji namjerno ili iz nepažnje prouzrokuju požare.

Bez obzira na sve poduzete mjere svake godine ponavljaju se iste stvari, požari pričinjavaju velike materijalne i druge štete koje općina Trnovo sama ne može spriječiti i nadoknaditi.

Najviše požara se dešava u proljeće u periodu mart-april prilikom čišćenja imanja od strane građana, koji iz nepažnje, a često i namjerno izazivaju požare sa velikim posljedicama i štetama. Najveći broj požara je izazvan ljudskim faktorom. Da bi se spriječilo ili imanjili pažari podnosene su usmene i pismene prijave policiji, ali prema našim saznanjima nema pokrenutih postupaka protiv podmetača požara.

Prema našim evidencijama i evidencijama Vatrogasnog društva Trnovo u protekloj godini je evidentirano 18. požara. Većinom se radilo i požarima gdje je gorjela trava i nisko rastinje i nije bilo velikih šteta. Gotovo sve požare je blagovremeno i usoješnoj gasilo Vatrogasno društvo Trnovo, koje daje najveći doprinos i u prevenciji i u efikasnom sprječavanju i gašenju požara na području općine Trnovo.

Vatrogasno društvo Trnovo je otorganizovano kao Služba zaštite od požara u okviru civilne zaštite i općina i viši nivoi ulažu u opremanje ove službe, kako bi ista mogla odgovoriti svojim zadacima.

Također VD Trnovo izvršili su radove urteđenja i prohodnosti (uklanjanje granja i rastinja) na požarnim putevima i to sljedećim putnim komunikacijama:

1. Rijeka – Jelačići u dužini 1.800 m
2. Jelačići- Slavljevići 2400m
3. Rijeka- Govedovići 1800m
4. Delijaš – Boljanovići 2600m
5. Mošići- umčani 5500m
6. Rijeka – Bašci 2700m
7. Godinja- Razin gaj 3000m
8. Presjenica – Umčani 5000m
9. Delijaš – Sjeverovići 1500m
10. Bare – Ostojići 3200m
11. Luka – Durakovići 1100m

Olujni vjetrovi

Obzirom da se područje općine Trnovo nalazi na prosječnoj nadmorskoj visini iznad 900 metara i da je smještena između i na obroncima planina Bjelašnice, Treskavice, Visočice, Igmana i Jahorine, isto je često izloženo snažnim vjetrovima i olujama, a naročito u jesen i zimi.

U ovoj godini početkom mjeseca novembra zabilježeni su jaki udari vjetra na području sela Ostojići, Trebečaj – Deseci i Godinja, gdje je zabilježena šteta na 5 stambenih i privrednih objekata. Općina je u okviru svojih mogućnosti oštećenim pomogla u saniranju šteta od ove prirodne nesreće.

Snijeg i sniježni nanosi

U izvještajnom periodu za 2021.godinu na području općine Trnovo nije bilo nadprosječnih snježnih padavina, niti su iste izazvale veće probleme i bitnije uticalo na normalno odvijanje života na području općine Trnovo.

Od januara do marta 2021. godine intenzitet padavina, odnosno visina sniježnog pokrivača je bila ispod višegodišnjeg prosjeka. Prohodnost puteva u zimskom periodu bila je uglavnom dobra.

Za održavanje magistralnih i regionalnih puteva zaduženi su viši nivoi vlasti (Federacija BiH i Kanton Sarajevo), a o održavanju lokalnih puteva brine se Općina Trnovo. Već su odabrana preduzeća za čišćenje lokalnih puteva i ista su sa potrebnom mehanizacijom na terenu spremna za zimsku sezonu.

Poplave

Poplavom se smatra stihijsko plavljenje terena usljed izlivanja spoljnih voda iz prirodnih i vještačkih vodotoka, kao posljedica visokih vodostaja, probijanjem ili rušenjem brana i drugih zaštitnih objekata, kao i usljed plavljenja terena unutrašnjim vodama i uslovima nenormalne hidrološke situacije i usljed izdizanja podzemnih voda i padavina.

Bujicom se smatra stihijsko neočekivano plavljenje terena vodenom masom koja se obrazuje na strmim terenima usljed jakih atmosferskim padavinama i topljenja snijega. Zbog velikih količina snijega napadalog tokom prethodne zime postojala je opravdana opasnost od nastanka poplava koje mi mogle ugrziti stanovništvo i imovinu uz tokove vodotoka.

Obilne kišne padavine na području općine Trnovo, javljaju se obično već u mjesecu oktobru i traju sve do aprila, usljed kojih dolazi do povećanja nivoa vodotoka i podzemnih voda, koje mogu prouzrokovati plavljenje određenih područja i presjecanje putnih komunikacija.

Posljednje velike poplave na području općine Trnovo bile su u maju 2014.godine.

Međutim, u periodu od 04.11.2021. do 06.11.2021.godine općinu Trnovo su zadesile najveće poplave u historiji Trnova.

Sve rijeke na području općine Trnovo/Željeznica, Rakitnica, Crna rijeka, Bijela rijeka, Krsinja, Tušiočki potok/, te svi drugi potoci i vodotoci su se u navedenom periodu zbog obilnih kiša izlili iz svojih korita i nanijeli ogromne štete na stambenim i privrednim objektima, organima uprave (Polijska stanica Trnovo), poljoprivrednim nasadima, zemljištu i infrastrukturi, posebno na svim putevima na području općine Trnovo.

Zbog velikih šteta a u cilju poduzimanja efikasnijih mjera borbe sa posljedicama ovih poplava, Općinski načelnik je na prijedlog Općinskog štaba civilne zaštite Trnovo dana 09.11.2021. godine donio Odluku o proglašenju stanja prirodne i druge nesreće na području cijele općine Trnovo.

Naročito velike štete nanesene su na stambenim objektima u naseljima Pendičići, Kijevo, Gračanica, Pomenovići, i Rakitnica. U ovim naseljima voda je ušla u više desetina stambenih objekata i uništila i oštetila kuće i imovinu vlasnika ovih objekata.

Pored stambenih i privrednih objekata na čitavom području su oštećeni i uništeni magistralni, regionalni i lokalni putevi, vodovodni i kanalizacioni sistemi, većina propusta začepljena, mnogi mostovi uništeni i oštećeni, a na više m lokaliteta su se pojavila klizišta i odroni, Delijaši, Bašci, Brutusi, Mijanovići, Kramari, Presjenica, Žilići, kao i drugi objekti komunalne infrastrukture.

Osnovna karakteristika uzroka nedavnih poplava leži u činjenici da je velika količina padavina pala u kratkom vremenskom periodu, izazivajući velike bujice koje su se za nekoliko sati slile u korita potoka i rijeka, što je uzrokovalo plavljenje dijelova naselja uz rijeke i vodotoke i pojavu velikog broja odrona na terenu destabiliziranom enormnom količinom padavina.

Pored gore navedenih prirodnih faktora, nastanak stanja prirodne nesreće na području općine Trnovo, nastanak poplava i klizišta uzrokovan je i nizom drugih razloga, a to su:

- Smanjena vodopropusnost rijeka, potoka i korita kanala zbog neuređenosti istih i uzurpacije od strane građana čime je smanjen kapacitet protoka vode,
- Jednostrano podizanje kota zemljišta na obalama rijeka koji nisu privedeni krajnjoj namjeni i funkciji privođenja trajnoj namjeni zemljišta, bez odgovarajućih mjera regulacije na obalama rijeka, čime je smanjena protočna moć korita rijeka i onemogućeno razlijevanje visokih voda po priobalnom zemljištu,
- Neregulirana odvodnja površinskih voda odvodnim objektima – kanalima na cestama i uz cestovne pojase,
- Neregulirana odvodnja površinskih voda oko građevinskih objekata i na poljoprivrednim površinama,
- Neplanskom gradnjom građevinskih objekata i ne pridržavanjem građevinsko – tehničkih normi na nestabilnim terenima,
- Poremećajem stabilnosti zemljišta usljed zasjecanja kosina, nekontrolisane sječe šuma i ostavljanje šumskih ortimenata u oko vodotoka.
- Neadekvatna i bez prateće dokumentacije izrada ili sužavanje postojećih propusta, potpornih zidova i mostova na kanalima uz puteve, na potocima i rijekama.

Svi gore navedeni razlozi dodatno usložnjavaju predmetnu problematiku, te čine prostor općine Trnovo izuzetno ranjivim i podložnim za nastanak stanja prirodne nesreće pri jakim atmosferskim padavinama.

Sa ciljem zaštite od poplava i vodenih bujica, Općinski štab civilne zaštite Trnovo je, u toku 05-08. novembra 2021. godine, angažirao mehanizaciju preduzeća „Milišić Trans, Kompanija Almy-transport, Goražde putevi d.o.o, KJKP Rad, Kompanija „DRINJAKOVIĆ”, JKP Trnovo d.o.o., MGBH d.o.o., Grakop d.o.o, KJKP VIK, Bujice, Sarajevo šume, sa ciljem saniranja šteta i čišćenja nanosa materijala koji su došli uz poplavu, krutog otpada i drugih stvari.

Naročito veliku pomoć u otklanjanju posljedica poplava čitavo ovo vrijeme pružali su pripadnici Vatrogasnog društva Trnovo, koji su sve svoje resurse stavili na raspolaganje i umnogome doprinijeli u saniranju posljedica poplava.

Treba istaći da je većina od gore navedenih privrednih subjekata potpuno dobrovoljno i besplatno pomagala u saniranju posljedica od poplava.

U saniranju posljedica od poplava imali smo i veliku pomoć od strane Kantonalne uprave civilne zaštite Sarajevo koja je na naše zahtjeve slala neophodne mašine i opremu, (bagere, kamione, utovarivače, te davala pomoć u hrani i zaštitnoj opremi.

Takođe veliku pomoć u hrani, građevinskom materijalu, ogrevu, novcu, kućanskim aparatima, higijenskim potrepštinama pružile su i humanitarne organizacije:

Merhamet, Crveni križ, Izvor Dobročinstva i Islamic Relief, te privredni subjekti: Demus, Senigor i Baupartner.

Obzirom da je većina šteta nastala zbog neodržavanja i neuređenosti korita rijeka kojima upravljaju druge institucije (Agencija za vodno područje rijeke Save za rijeke prve kategorije-Željeznica i Agencija za vodno područje Jadranskog mora, za rijeke druge kategorije-ostale rijeke), obratili smo se predstavnicima ovih agencija koji su izašli na teren, konstatovali stanje i obećali da će u narednom periodu poduzeti potrebne mjere na čišćenju i uređenju korita kako u budućnosti ne bi dolazilo do ovakvih situacija.

U cilju pomoći stanovništvu i privrednim subjektima koji su pretrpjeli najveće štete, Općinsko vijeće je rebalansom Budžeta izdvojilo 200.000,00 KM za saniranje dijela šteta onim stanovnicima čije su kuće pretrpjele najveće štete, kao i za pomoć privrednim subjektima i drugim općinama koju su pretrpjeli velike štete od poplava.

Odmah po proglašenju stanja prirodne i druge nesreće zbog poplava, Općinska Komisija za procjenu šteta od prirodnih i drugih nesreća je počela sa procjenom šteta od ove prirodne nesreće.

Putem medija, sekretara mjesnih zajednica i na druge prigodne načine građani koji su pretrpjeli štete od poplava su pozvani da podnesu prijave za nastale štete, kako bi Komisija mogla na vrijeme i vjerodostojno izvršiti uvid i procijeniti nastale štete.

Pored šteta na privatnoj imovini Komisija za procjenu šteta je izvršila uvid i procjene šteta i na svim objektima komunalne infrastrukture, putevima, mostovima i drugim uništenim i oštećenim objektima od javnog značaja.

Komisija za procjenu šteta nastalih od poplava u periodu 04.11.2021. do 06.11.2021. godine obradila 88. prijava od strane građana i pravnih lica kojima je šteta nanošena na području općine Trnovo.

Općinskoj komisiji podnošeno je još 18 prijava šteta koje su podnošene izvan roka koji je propisan članom 15. Uredbe o jedinstvenoj metodologiji za procjenu šteta od prirodnih i drugih nesreća. Iste su odbačene kao neblagovremene.

29 prijava je podnošeno od strane građana čije su nekretnine i imovina na kojima je nanošena šteta na području Opštine Trnovo (Republika Srpska) i iste su evidentirane a podnosioci prijava šteta obavješteni da ova komisija mjesno i stvarno nije nadležna za rad na spomenutim zahtjevima te ih uputila na nadležnu Opštinu.

Određeni broj prijava šteta građana odnosio se na prijavu šteta na javnoj infrastrukturi, te iste komisija nije obrađivala kao zahtjev građana, već su iste obradili u sklopu infrastrukturnih šteta.

Poslije završetka poslova oko procjene šteta, Komisija je sačinila Konačni izvještaj o procijenjenoj šteti uzrokovanj obilnim padavinama – poplave u priodu od 04.11. – 06.11.2021. godine u skladu sa odredbama člana 29. Uredbe o jedinstvenoj metodologiji za procjenu šteta od prirodnih i drugih nesreća („Službene novine FBiH“, broj 75/04, 38/06, 52/09, 56/09, 36/14).

Prema navedenom izvještaju ukupna procijenjena šteta na stambenim i pomoćnim objektima, privrednim objektima, infrastrukturnim objektima i na poljoprivrednoj infrastrukturi iznosi 3.011.714,00 KM.

Konačni izvještaj o procjeni šteta je razmatrao i usvojio Općinski štab civilne zaštite, a isti je na prijedlog Općinskog načelnika razmatralo i usvojilo Općinsko vijeće Trnovo.

Obzirom da je procijenjena šteta velika i da općina Trnovo ne može iz svojih sredstava nadoknaditi pričinjene štete, u skladu sa propisima Općinski načelnik se obratio višim nivoima vlasti-Vladi Kantona Sarajevo za pomoć u sanaciji posljedica šteta od nastalih poplava.

Do dana podnošenja ovog izvještaja od viših nivoi vlasti, odnosno Vlade Kantona Sarajevo, općina Trnovo nije dobila nikakvu pomoć za ove namjene.

Klizišta

Na području općine registrovano je više aktivnih klizišta gotovo na svim mjesnim zajednicama. Neka klizišta su sanirana, neka privremeno sanirana, za neka su urađeni projekti, a na nekima je snimljeno stanje.

Prilikom posljednjih poplava u novembru 2021.godine pojavila su se neka nova klizišta i odroni na lokalitetima Delijaši, Bašci, Brutusi, Mijanovići, Kramari, Presjenica, Žilići. Ista si djelimično i privremeno sanirana, ali je potrebno kada to vremensku uslovi dozvole kvalitetnije pristupiti sanaciji navedenih klizišta.

Smatramo da bi se u saradnji sa Kantonalnom upravom civilne zaštite i Kantonalnim mistarstvom za prostorno uređenje u narednom periodu morala obezbijediti sredstva za saniranje najugroženijih klizišta kako bi se izbjegle teže posljedice. Zbog nedostatka sredstava u proteklom periodu nismo bili u mogućnosti sanirati sva klizišta, ali su najkritičnija sanirana, pa trenutno ne predstavljaju veću opasnost.

Civilna zaštita i drugi nadležni organi pažljivo prate i obilaze sva potencijalno opasna klizišta, kako bi u slučaju potrebe mogli adekvatno reagovati.

U narednom periodu očekujemo daljnje rješavanje problema klizišta, posebno preventivnog djelovanja na samu pojavu istih. Odvodnja podzemnih voda, uređenja korita i planska gradnja samo su neke od mjera koje treba pouzmati da bi se smanjila pojava klizišta.

Zemljotresi

Zemljotres je prirodna pojava koja nastaje naglim, iznenadnim i kratkotrajnim pokretima slojeva zemljine kore, u obliku udara, talasa i podrhtavanja koja izazivaju manje ili veće pomicanje tla, usljed čega dolazi do rušenja i oštećenja objekata, uređaja i drugih dobara, a često uzrokuju povrede i smrt ljudi, kao i ranjavanje i uginuće životinja.

U izvještajnom period na području općine Trnovo nije bilo zemljotresa koji bi ugrozili živote i imovinu stanovništva.

COVID 19 aktivnosti

Pandemija corona virusa COVID-19 se nastavila i u 2021.godini. Veliki broj stanovnika je bio zaražen, a bilo je dosta i smrtnih slučajeva od ove bolesti. Tokom 2021.godine većina stanovništva je vakcinisana. Iz razloga što na području općine Trnovo živi veći broj stanovnika starije životne dobi većinom se vakcinacija vršila mobilnim putem, odnosno stanovništvo je vakcinisano kod svojih kuća.

Obzirom da je još 2020.godine ukinuto stanje prirodne i druge nesreće zbog ove bolesti Štab civilne zaštite nije bio osnovni nosilac aktivnosti borbe protiv pandemije, osim što je putem nadležnih službi a poštujuću preporuke zdravstvenih institucija provodio sve mjere i preporuke vezane za borbu protiv corona virusa.

Osnovna škola je u skladu sa preporukama nadležnih organa povremeno radila onlajn ili kombinovanim načinom rada, dok su ostali organi, ustanove, preduzeća i institucije radili normalno poštujući naredbe i preporuke nadležnih kriznih štabova.

Sve naredbe i mjere Općinskog štaba Civilne zaštite Trnovo su usaglašavane sa naredbama i mjerama Federalnog štaba civilne zaštite i kriznih štabova zdravstva Kantona i Federacije.

- Izrađen je i distribuiran letak s naredbama o ponašanju građana u stanju epidemije, te su građani blagovremeno obavještavani o svim mjerama i pozvani da poštuju naredbe, mjere i preporuke, te da budu odgovorni prema sami sebi, članovima svoje porodice i prema drugim ljudima ;
- Redovno se vršila dezinfekcija javnih prostora;

-Povremenu su vršenaje pranje javnih površina na frekventnim mjestima;;
Općinski štab civilne zaštite u okviru svoje nadležnosti je uložio maksimalne napore da sačuva živote i zdravlje naših građana.
Općinski načelnik je svim građanima koji su bili zaraženi ili su preležali COVID-19 dodijelio jednokratnu novčanu pomoć , a takođe je pomogao da se ublaže ekonomske posljedice privrednih subjekata na našoj općini.
Crveni križ općine Trnovo i druge humanitarne organizacije su poduzima sve neophodne radnje kako bi se olakšao život građana naše općine.
Dom zdravlja Trnovo je uspješno realizirao aktivnosti i na provođenju svih epidemiološko zaštitinih mjera u skladu sa naredbama, preporukama i odlukama Kriznog štaba Ministarstva zdravstva Kantona Sarajevo, Federalnog i Kantonalnog štaba civilne zaštite, te uspješno sarađivao sa Općinskim štabom civilne zaštite Trnovo. Kao što smo već ranije naveli, ispred Doma zdravlja postavljen je trijažni objekat. Vršeno je testiranje osoba na koronavirus, redovno kontaktiranje osoba kojima je propisana izolacija i poduzimanje svih drugih aktivnosti, koje su u njihovoj nadležnosti.
Policajska stanica Trnovo je poduzela sve neophodne radnje, redovno su se izvršavale kontrole i sankcionisale osobe koji ne poštuju propisane mjere i naredbe. Policija je takođe radila na redovnoj provjeri osoba koje se nalaze u samoizolaciji, te na pružanju pomoći Azilantskom centru Delijaši.
Veterinarska stanica je u skladu sa Dinamičkim planom provođenja zdravstvenih sanitarnih mjera na području KS, obavila sve neophodne aktivnosti i ispoštovala sve naredbe i mjere.
Vatrogasno društvo Trnovo je takođe stavilo na raspolaganje svoje kapacitete i resurse Općinskom štabu civilne zaštite u borbi protiv sprečavanja širenja koronavirusa.
Smatramo da sitacija nije alarmantna, ali da i u narednom periodu treba nastaviti sa provođenjem svih naredbi, mjera i preporuka nadležnih organa (posebo vakcinisanje) na sprečavanju širenja ove pandemije, kako bi se život stanovništva u potpunosti normalizovao.

5. Služba za privredu i finansije

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 8 radnih mjesta.

U izvještajnom periodu služba je zaprimila 274 novih predmeta,199 običnih i 75 predmeta iz oblasti javnih nabavki.

U oblasti finansija:

- Urađen izvještaj o završnom računu u 2020. godini.
- Usvojen Nacrt Budžeta za 2022.godinu.
- Odluka o izmjenama i dopunama budžeta Općine Trnovo za 2021. godinu
- Usvojen DOB 2022-2024
- Dostavljeni kvartalni izvještaji Ministarstvu finansija Kantona Sarajevo na propisanim obrascima
- Redovno praćeno izvršenje budžeta i dostavljani tromjesečni izvještaji općinskom vijeću Trnovo na usvajanje
- Dostavljeni mjesečni izvještaji o ostvarenim prihodima Ministarstvu finansija Kantona Sarajevo

- Dostavljeni posebni mjesečni izvještaji o ukupnim prihodima budžeta Općine Trnovo Ministarstvu finansija Kantona
- Dostavljeni kvartalni izvještaji o unutrašnjem dugu i izdatim garancijama Ministarstvu finansija Federacije Bosne i Hercegovine
- Redovno dostavljanje traženih informacija i izvještaja.
- Redovna knjigovodstvena evidencija i blagajničko poslovanje.
- Redovno izdavanje izlaznih faktura, zahtjeva za refundacije (po osnovu prevoza đaka, obezbjeđenja hotela Maršal i troškova električne energije, zakupa i javnih površina).
- Dostavljene mjesečne PDV prijave Upravi za indirektno oporezivanje Sarajevo.
- Dostavljeni kvartalni izvještaji o radu službe općinskom načelniku .
- Vršena knjigovodstvena evidencija ulaznih faktura, faktura vezanih uz kapitalne projekte (fond prostornog uređenja).
- Dostavljeni mjesečni izvještaji o isplaćenim plaćama, naknadama i doprinosima Federalnom zavodu za Statistiku.
- Dostavljen godišnji izvještaj o isplaćenim plaćama, naknadama i doprinosima Federalnom zavodu za Statistiku
- Isporučeni GIP obrasci svim uposlenim, članovima izborne komisije, članovima savjeta mjesnih zajednica, članovima komisija, i komitentima po osnovu ugovora o djelu.
- Dostavljeni MIP obrasci o isplaćenim plaćama, naknadama općinskim vijećnicima, isplaćenim komisijama i ugovorima o djelu Poreznoj upravi.
- Izvršen obračun plaća, naknada, komisija, naknada volonterima, pripravnici, obračun prevoza učenika, obračun ugovora za fizičko obezbjeđenje hotela Maršal, ugovora o djelu itd.

U oblasti male privrede u toku 2021. godine doneseno je ukupno 90 rješenja.

- Iz oblasti obrta i obrtu srodnih djelatnosti doneseno je 60 rješenja,
- Ugostiteljska djelatnost, 2 rješenja
- Donesena su 7 rješenja iz oblasti finansija, i to rješenja o pogrešno uplaćenim sredstvima koja su se imala vratiti.

Stručni tim za utvrđivanje minimalnih propisanih uslova za obavljanje određene djelatnosti je zaprimio 21 zahtjeva za pregled poslovnih prostora i donio 21 rješenja o uslovnosti poslovnih prostora i objekata. U toku godine izvršena je ovjera 22 cjenovnika i normativa za ugostiteljske objekte.

Iz oblasti javnih nabavki učinjeno je slijedeće:

- Plan javnih nabavki donešen je 11.01.2021. godine. Isti je mijenjan i dopunjavan 12 puta u toku 2021. godine, usljed ukazane potrebe te zbog eventualnih sporazuma sa drugim institucijama šta je nalagalo obavezu usklađivanja Plana javnih nabavki. Istovremeno sa donošenjem plana, donijeta su rješenja o imenovanju stalnih komisija iz oblasti javnih nabavki u skladu sa članom 13. Zakona o javnim nabavkama („Službeni glasnik BiH”, broj 39/14). U toku 2021. godine su imenovane i posebne komisije za provođenje zajedničkih nabavki s drugim ugovornim organima.
- Zaključno sa 31.12.2021. godine pokrenuto je i okončano ukupno 75 predmeta iz oblasti javnih nabavki i to kako slijedi:

| RB | Vrsta postupka | Broj postupaka |
|----|---|----------------|
| 1. | Direktni sporazumi | 35 |
| 2. | Konkurentski zahtjev | 25 |
| 4. | Pregovarački postupak bez objave obavještenja | 2 |
| 5. | Otvoreni postupak | 13 |

Od marta 2009. uspostavljen je Registar poljoprivrednih gazdinstava i registar klijenata na nivou BiH sa ciljem formiranja baze podataka u kojoj se evidentiraju poljoprivredna gazdinstva, ljudski potencijali (brojčano, starosno), veličina zemljišnih posjeda, stočni fond, stanje objekata, mehanizacija, itd.. Upis u registre je dobrovoljan, uz napomenu da samo registrirani imaju pravo podnositi zahtjeve za novčane podrške i druge oblike podsticaja razvoja poljoprivrede i ruralnog razvoja.

U Registru poljoprivrednih gazdinstava i Registru klijenata u općinskoj službi je registrirano ukupno 344 porodičnih poljoprivrednih gazdinstava, od toga kao obrti, odnosno srodne djelatnosti 35, dok je 309 porodičnih poljoprivrednih gazdinstava.

- Iz Registra poljoprivrednih gazdinstava izdato je ukupno 128 potvrda,
- Ukupno je izdato 64 potvrda A12 (za štalske objekte).
- Osim navedenog, urađeno je ukupno 10 statističkih izvještaja u 2021. godini.

Za razliku od predhodne godine, broj goveda na području općine Trnovo se povećao, te je sad ukupan broj goveda 295. Prema trenutnom stanju u Registru poljoprivrednih gazdinstava evidentirano je ukupno je 10.051 grla ovaca, s tim da prema podacima Komisije za dodjelu novčanih podsticaja u poljoprivrednoj proizvodnji na području općine Trnovo ukupno ima oko 6.641 ovaca.

Najveći rast od ukupne stočarske proizvodnje bilježi se u peradarstvu i pčelarstvu. Bilježi se konstantan rast proizvodnje tovnih pilića. Ukupno je u programu registra poljoprivrednih gazdinstava registrovano 116.000 tovnih pilića. Obzirom na sve navedeno, najveće šanse za razvoj stočarske proizvodnje ogledaju se u peradarstvu, tako da s pravnom možemo reći da je uzgoj tovnih pilića strateška grana u oblasti stočarske proizvodnje. Ukupno na području Općine ima oko 1390 košnica, ne računajući one pčelare koji privremeno stacioniraju društva na ovom području.

Putem Javnog poziva za dodjelu direktnih novčanih podsticaja u poljoprivrednoj proizvodnji u 2021 godini, Općina je podsticala sljedeće vrste proizvodnji;

- animalna proizvodnja- ovčarstvo, govedarstvo, pčelarstvo i farme za tov pilića;
- biljna proizvodnja- zasijane površine pod krompirom, grahom i lukom, te za kulture za koje postoji osnov za uspješnu proizvodnju a koje nisu predhodno navedene sredstva će se dodjeljivati u vidu jednokratne pomoći;
- matično knjigovodstvo - uzgojno selekcijski rad za ovčarstvo i govedarstvo.

Putem pomenutog Javnog poziva zaprimljena su 149 zahtjeva, od čega je 1 zahtjev bio sa nepotpunom dokumentacijom dok 10 podnešenih zahtjeva nije ispunjavalo uvijete koji su traženi javnim pozivom. Na osnovu zaprimljenih prijava, Komisija je obišla svakog poljoprivrednog proizvođača te zapisnički utvrdila činjenično stanje. Od

ukupno validnih 137 prijava novčana sredstva u poljoprivrednoj proizvodnji bit će dodijeljena proizvođačima:

- Direktni novčani podsticaji za animalnu proizvodnju:
 - ✓ Farma ovaca- 44 proizvođača;
 - ✓ Farma tovnih pilića: 5 proizvođača;
 - ✓ Farma goveda- 47 proizvođača;
 - ✓ Pčelarstvo-28 proizvođača.
- Direktni novčani podsticaji za biljnu proizvodnju:
 - ✓ Povrće- 16 proizvođača;
 - ✓ Jednokratne pomoći- 12 proizvođača.
- Vođenje matičnog knjigovodstva-uzgojno selekcijski rad:
 - ✓ Farma ovaca i goveda- 9 proizvođača.

RAZVOJ PRIVREDE

Razvoj poljoprivrede

Građani, odnosno Klijenti, upisani u RPG – registar poljoprivrednih gazdinstava shodno zakonskim propisima ostvarivali su podsticaje na vlastitu proizvodnju. Prevaziđeni su problemi koji su se javljali zbog nekontinuiranog prebacivanja finansijskih sredstava od viših nivoa vlasti. Važno je napomenuti da su ove godine vremenski uslovi bili nešto povoljniji za razliku od predhodne godine, tako da su i prinosi bili nešto veći, pogotovo u sektoru voćarstva. Zahvaljujući planiranim sredstvima iz budžeta, poljoprivredni proizvođači će dobiti dodatni novčani podsticaj te će na taj način unaprijediti postojeću proizvodnju.

Razvoj turizma

Prema ekonomskim pokazateljima, Općina Trnovo se smatra privredno nedovoljno razvijenom općinom koja svoju perspektivu, između ostalog, vidi u razvoju turizma. Općina raspolaže značajnim prirodnim potencijalima za razvoj turizma, naročito u oblastima sportsko-rekreativnog, seoskog, kulturno-historijskog i zdravstvenog turizma. Kao što je naznačeno prije, Trnovo obiluje nedirnutim prirodnim ljepotama, čistim planinskim zrakom, mnogobrojnim planinama, riječnim izvorima, tokovima, kanjonima i jezerima, kao i izvanrednim terenima za zimske sportove.

Turizam kao specifičan vid privrede je vrlo osjetljiva oblast, zahtijeva posebnu sistematičnost, ne trpi improvizacije, dugoročno se u njega planira i ulaže da bi donosio dobit.

Čitav prostor Igmana i Bjelašnice se tretira kao jedinstvena planinska stanica sa kompletnom turističkom ponudom tokom cijele godine. Razvoj te stanice Regulacionim planom sportsko rekreativnog područja Bjelašnica i Igman planiran je na dva lokaliteta i to Babin Do – Bjelašnica i Veliko polje – Igman. Osnovni punkt zimske rekreacije predstavlja zona skijališta vrh Bjelašnice – Babin Do sa stazama spusta, slaloma, i veleslaloma koje bi opsluživali objekti vertikalnog transporta (dvije žičare i šesnaest ski liftova). Proširenje osnovne zone planirano je prema masivu Šiljak sa ciljnim prostorima u Štinjem dolu i Donjoj Grkarici i predstavlja veoma povoljne terene za alpsko skijanje. Na osnovu naznačenih potencijalnih vrijednosti ovih prostora proizašla su i opredjeljenja o formiranju planinske stanice na prostoru općine koja omogućuje mnogostruke vrste turizma i turističke ponude: zimsko – sportski; rekreativni; edukativni; poslovni; kongresni; omladinski; memorijalni turizam; speleologija; manifestacioni turizam; ekskurzioni; zadovoljavanje raznih hobija; lovni turizam; planinarenje; alpinizam; zdravstveni i dr.

Uz uvažavanje postojeće Provedbeno planske dokumentacije Općina Trnovo je u cilju stvaranja pretpostavki za razvoj turizma na ovim prostorima donijela regulacione i urbanističke planove.

U odnosu na smještajne kapacitete u okviru turističke ponude područje Trnova za višednevni boravak (svi su smješteni na području Bjelašnice) gostima – posjetiocima može ponuditi :

Smještajni kapaciteti :

Hotel „Han” i Hotel „Bjelašnica”, te apartmanska naselja sa ukupno 1.142 apartmana. Svi navedni sadržaji stavljeni su u funkciju u okviru projekata „Bjelašnica I i II”. Izvršena je i dodjela zemljišta za izgradnju poslovnih objekata u okviru urbanističkog projekta „Bjelašnica II”.

U prethodnoj godini kapaciteti Hotela „Maršal” nisu u funkciji zbog poteškoća s kojima se društvo suočava, dok su u izgradnji i drugi objekti kojima će se povećati smještajni kapaciteti i cjelokupna turistička ponuda

Cjelokupan prostor Trnova odlikuje se ogromnim turističkim potencijalom koji čine brojne rijeke, čisti planinski potoci, olimpijske planine, bogatstvo flore i faune, kao i brojni kulturno-historijski spomenici. Svakodnevno broj turista, kako domaćih tako i inozemnih se povećava, što je evidentno po broju zatečenih posjetilaca na području općine.

Prostor planina je lijep ne samo zimi već i ljeti. Naravno, u zimskom periodu ono što najviše privlači posjetioce jeste skijanje i ostale zimske aktivnosti koje se uglavnom odvijaju na području Bjelašnice i Igmana, dok ljetni period je karakterističan po planinskim turama preko Igmana, Bjelašnice, Visočice, Jahorine i Treskavice, te kroz sela Umoljani, Rakitnica, Šabići, posjetama prirodnim ljepotama i kulturno-historijskim spomenicima, kojima je Trnovo izuzetno bogato.

Općina Trnovo ulaže velike napore u stvaranju pretpostavki za dalji razvoj turizma, pa tako se radi na usvajanju novih i korekciji postojećih urbanističkih projekata, ali i drugih kapitalnih projekata koji imaju za cilj poboljšati turističku ponudu, poput projekta Bjelašnica I i II, „Srebrna lisica“, „Bukova ravan“ gdje je planirano bosansko selo, „Javorov Do“, „Gornja Grkarica“, Plan parcelacije Tušila i Puzim.

Realizacijom navedenih Provedbeno – planskih dokumenata na ovim prostorima izgradio bi se jedan od najmodernijih sportsko – rekreacionih centara i stvorili uslovi za razvoj turističke privrede Općine Trnovo, Kantona Sarajevo pa i šire. Izgradnjom smještajnih kapaciteta, obnovom postojećih staza i vertikalnog transporta, izgradnjom novih staza i vertikalnog transporta izgradnjom sportskih terena na Gornjoj grkarici i Velikom polju razvija se sportsko – rekreaciona ponuda. Izvan prostora Igmana i Bjelašnice razvio bi se seoski turizam u naseljenim mjestima kroz izgradnju eko – etno sela, arhitektura stambenih i pomoćnih objekata prilagodila bi se originalnom obliku (autohtona podbjelašnička kuća) izgradili bi se uslužni objekti (planinske kuće i bungalovi). Izgradnjom modernih saobraćajnica povezuju se naseljena mjesta sa centrom, grade se kanalizacioni sistemi sa postrojenjima za tretman otpadnih voda za sva naseljena mjesta, izgradnjom regionalnog vodovoda Hojta – Bjelašnica – Igman rješava se snabdjevanje Bjelašnice i Igmana vodom kao i problem zasnježivanja staza. U proteklom periodu Općina Trnovo je investiala u izgradnju komunalne i komunikacijske infrastrukture, koja omogućava još bolje prilike za razvoj turizma na ovom području, te povećanje broja posjetilaca. U prethodnoj godini rekonstruisan je vertikalni transport, te pripremljene neophodne instalacije za

osnježivanje staza. U cilju promocije turizma i podsticaja zapošljavanja na području Bjelašnice postavljeni su tipski kiosci, gdje se vrši prodaja rukotvorina, organskih proizvoda i iznajmljivanje opreme u toku zime. Općina provodi projekat izgradnje garaže na Bjelašnici, što će riješiti problem saobraćaja u mirovanju, te omogućiti lakši pristup posjetiocima na planinu.

Političke, administrativne i hijerarhijske blokade koje su evidentne prema lokalnoj zajednici ne treba da budu prepreka ili opravdanje da ne preduzimamo mjere koje su presudne. U slijedu ove konstatacije pred općinu Trnovo kao predstavnika lokalne zajednice postavlja se obaveza da preko naših prirodnih bogatstava, historijskih i kulturoloških "proizvoda", tradicijskih, porodičnih rukotvorina, karakteristične arhitekture, etnografskih vrijednosti, te domaćinske susretljivosti, Trnovo približimo svijetu, moramo imati ambicije prodora u regiju.

5. Služba za investicije, lokalni ekonomski razvoj, informacione sisteme i odnose s javnošću

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 5 radnih mjesta.

Služba je formirana i počela sa radom od 01.11.2021. godine i u nadležnost službe stavljeni su sljedeći poslovi:

- Provodi utvrđenu politiku, izvršava i prati zakone, druge propise i opće akte iz oblasti razvoja, poduzetništva i prirodnih resursa;
- Izrađuje nacрте i prijedloge propisa i drugih akata koje donosi Općinsko vijeće i Općinski načelnik, nomotehnički obrađuje te propise, daje mišljenja, prijedloge i sugestije kod izrade propisa i drugih akata, koje donose drugi nadležni organi iz oblasti za koju je osnovana;
- Vodi prvostepeni upravni postupak o pitanjima iz nadležnosti službe;
- Izrađuje analize, izvještaje, informacije i druge stručne i analitičke materijale za Općinsko vijeće i Općinskog načelnika;
- Prikuplja i vrši statističke obrade podataka o poslovima iz oblasti za koje je osnovana;
- Uspostavlja, vodi i ažurira propisane evidencije i registre iz djelokruga rada Službe;
- Izdaje uvjerenja o činjenicama o kojima se vodi službena evidencija i uvjerenja o činjenicama o kojima se ne vode službene evidencije;
- Učestvuje u procesima strateškog planiranja, realizaciji strategije i planova implementacije, posebno kad je riječ o pripremi realizaciji projekata i programa koji su u skladu sa planom implementacije uključeni u godišnji plan rada službe te praćenje realizacije dodijeljenih projekata/programa;
- Prikuplja, obrađuje i analizira podatke vezane za stvaranje povoljnog poslovnog okruženja;
- Pruža podršku implementaciji projekata lokalnog razvoja;
- Komunicira sa potencijalnim i postojećim investitorima u svrhu pokretanja novih i unapređenja postojećih investicija;
- Pruža podršku institucionalnoj saradnji sa dijasporom;
- Priprema razvojne projekte usmjerene prema fondovima Evropske unije i međunarodne zajednice;

- Kontaktira i saraduje sa međunarodnim institucijama i višim nivoima vlasti;
- Prikuplja i obrađuje informacije vezane za razvoj privrede, mogućnosti kreditiranja i plasmana finansijskih sredstava;
- Ostvaruje saradnju sa mjesnim zajednicama, udruženjima, NVO, te potencijalnim donatorima vezano za obnovu;
- Provodi i realizuje programe kapitalnih investicija i promociju investicijskih i turističkih potencijala općine;
- Vršiti poslove pripreme, praćenja i realizacije investicionih i drugih projekata od strane Općine, Kantona i drugih subjekata;
- Vršiti i druge upravne i stručne poslove propisane zakonom i drugim propisima;
- Obezbeđuje funkcionisanje informacionog sistema općine;
- Administrira informacionim sistemom (serveri, radne stanice, LAN mreža) za njegovo nesmetano funkcionisanje i podizanje kvalitete usluga prema kranjim korisnicima (uposlenim i građanima) kroz stalno poboljšanje istog;
- Ažurira WEB stranicu Općine;
- Obavlja poslove licenciranja aplikativnog i sistemskog softvera;
- Pruža neposrednu stručnu pomoć korisnicima računarskog sistema;
- Izrađuje planove i programe za uspostavljanje, razvoj i povezivanje složenijeg informacionog sistema, kao i efikasno korištenje resursa sistema i njegovo skaliranje kako bi se zadovoljile potrebe krajnjih korisnika;
- Planira, predlaže i vršiti obuke korisnika informacionog sistema Općine;
- Vršiti poslove održavanja web stranice;
- Vršiti kontrolu sistema video nadzora i elektronske evidencije prisustva poslu;
- Vršiti pripremu metodologija i standarda za formiranje, razvijanje i održavanje baze podataka, analiza tih podataka i njihovo publikovanje;
- Vršiti izradu projekata i programa informacionog sistema za složenije poslove automatske obrade podataka i vršenje tih poslova;
- Vršiti izradu smjernica i standarda zaštite informacionog sistema Općine;
- Vršiti administriranje i održavanje lokalne računarske opreme i svih elemenata informatičke infrastrukture i informacionog sistema Općine;
- Vršiti poslove odnosa sa javnošću putem printanih i elektronskih medija;
- Priprema idejno rješenje za sve vrste publikacija, čestitki, pozivnica i prezentacija;
- Vršiti poslove informisanja u skladu sa zakonom i drugim propisima i općim aktima Općine;
- Prati javne pozive iz oblasti privrede, poduzetništva, lokalnog ekonomskog razvoja i drugih oblasti usko vezanih za navedene;
- Organizuje press konferencije i intervjuue Općinskog načelnika, rukovodilaca službi, predsjedavajućeg Općinskog vijeća i njegovih zamjenika kao i njihovo gostovanje u medijima u saradnji sa službama za upravu;
- Vršiti oglašavanje u javnim glasilima za potrebe Općine;
- Vršiti izradu analizu izvještaja, informacija, elaborata i drugih materijala iz oblasti lokalnog razvoja i izgradnje infrastrukture;
- Planira, koordinira i izvršava poslove u saradnji sa javnim preduzećima i ustanovama;
- Vodi brigu o razvoju turističkih resursa Općine;
- Vršiti poslove upravljanja i održavanja sistema upravljanja kvalitetom u skladu sa ISO standardom;
- Vršiti poslove planiranja, pripreme i praćenja provođenja aktivnosti na uspostavljanju i razvoju finansijskog upravljanja i kontrole iz nadležnosti službe;
- Prati stanje i zakonske promjene u oblasti za koju je osnovana, te nadležnim organima blagovremeno predlaže poduzimanje odgovarajućih mjera;

- Obavlja normativno-pravne i studijsko-analitičke poslove iz nadležnosti rada Službe;
- Obavlja i druge poslove po naređenjima Općinskog načelnika.

Oblast informacionih sistema

1. Održavanje postojećih aplikacija/uređaja i obuka korisnika za rad sa aplikacijama FiNovaXP, FiNovaOS, FiNovaP, DocuNova i DataNova, Katastar, SOTAC, CMR.

- FiNovaXP - je aplikacija za finansijski menadžment koja omogućava da se ispune svakodnevne i periodične obaveze na polju računovodstva, pripreme i praćenje budžeta kao i zakonske obaveze koje se odnose na izvještavanje.
- FiNovaOS – aplikacija za osnovna sredstva;
- FiNovaP – aplikacija za obračun plaća;
- DocuNova - primjenjujući noviju tehnologiju, omogućava korisniku da prati tok kretanja i status zahtjeva i molbi od njihovog prijema na pisarnici općine do arhiviranja.
- DataNova – aplikacija za matični ured;
- CMR centralni matični registar
- Aplikacija za katastar;
- SOTAC – aplikacija za boračko invalidsku zaštitu;
- Uređaj za kontrolu pristupa;
- Video nadzor.

2. Usljed specifičnosti Općinske organizacije dolazilo je do povremenih nadogradnji pojedinih aplikacija.

3. Redovna izrada rezervnih kopija podataka (dnevno, sedmično i mjesečno) na lokalnoj mreži i kod pojedinih korisnika. Izrađeni backup-i se čuva na različitim lokacijama

4. Vođenje evidencije o računarima i opremi kao i njihovo održavanje.

U sljedećoj tabeli je prikazan spisak informatičke opreme:

| | | | |
|--------------------------|----|-----------------|----|
| SERVERI | 3 | | |
| RAČUNARI | 55 | od toga Laptopi | 6 |
| PRINTER | 41 | | |
| SKENERI | 9 | | |
| KOPIRI | 2 | | |
| SERVER LICENCE | 3 | CAL | 25 |
| WINDOWS LICENCE | 50 | | |
| MS OFFICE LICENCE | 46 | | |
| AV LICENCE | 50 | | |

5. Pregledanje, odgovaranje, prosljeđivanje i slanje elektronske pošte.

7. Dijagnosticiranje kvara hardvera, održavanje i reinstalacija operativnog sistema, nabavka računara i računarske i druge potrebne opreme, obrada i objedinjavanje podataka za potrebe službi, davanje uputa službenicima koji rade na računaru.

Oblast investicija i lokalno ekonomskog razvoja

Strategija održivog razvoja Općine Trnovo

S obzirom da strategija ističe 2022. godine, potrebno je raditi na izradi nove. U tom cilju pripremani su izvještaji o realizaciji važeće strategije.

Ostvaren je kontakt sa SERD-om u cilju pružanja tehničke pomoći oko izrade i prilagođavanja nove strategije novim zakonskim propisima i uredbama.

Saradnja sa Turističkom zajednicom Kantona Sarajevo

Turistička zajednica Kantona Sarajevo je pokrenula inicijativu i obratila se dopisom u svrhu kreiranja baze projekata značajnih za razvoj i promociju turizma.

U saradnji sa službom za Urbanizam dostavljena je lista projekata koji su značajni za razvoj i promociju turizma na prostoru naše općine.

Prijava na javni poziv Sarajevo WINTER FEST

Predmet Javnog poziva Sarajevo Winter Fest je dodjela bespovratnih finansijskih sredstva radi realizacije programa značajnih za razvoj i promociju turizma Kantona Sarajevo, tačnije u pitanju su programi novogodišnje iluminacije.

U Saradnji sa službama prikupljeni su svi traženi podaci za prijavu na Lot 1 ovog javnog poziva koji podrazumjevaju kompletan projekat, izradu finansijskog plana, uvjerenja iz finansija, potrebne izjave i ostali traženi podaci.

Učestvovanje na edukacijama

Učestvovanje na radionici na temu Priprema i pisanje EU projekata

Radilo se o radionici dvodnevno tipa, koju je organizovao Centar za Poslovne studije u Sarajevu. Učesnici su upoznati sa osnovnim načelima upravljanja projektnim ciklusom kao i sa sadržajem projektnih aplikacija sa jasnim smjernicama kako aplicirati na EU projekat.

Učestvovanje u obuci na temu Javno privatno partnerstvo u lokalnoj samoupravi.

Obuku je organizovala Agencija za državnu službu u saradnji sa profesorima Ekonomskog fakulta u Sarajevu. Polaznici su upoznati sa koracima i modelima javnog privatnog partnerstva, finansijskim aspektima JPP kao i strateškim ugovaranjem jpp.

Konsultacije u Fondu za zaštitu okoliša Federacije BiH

Upoznavanje sa principom rada Fonda i onim što oni očekuju od korisnika. Korisne informacije kada su u pitanju projekti čija vrijednost nadmašuje Javne pozive koje objavljuje Fond.

Praćenje javnih poziva na stranicama koje su opredjeljenje za lokalne zajednice.

Oblast informisanja i odnosa sa javnošću

Služba za investicije, lokalni ekonomski razvoj, informacione sisteme i odnose s javnošću Općine u djelokrugu svoga rada obuhvata obezbjeđenje saradnje sredstava javnog informisanja sa svim službama Općine Trnovo.

Svakodnevne aktivnosti uključuju prikupljanje aktuelnih informacija na području Općine Trnovo i njihovo prosljeđivanje sredstvima javnog informisanja ili prezentovanje putem WEB stranice Općine Trnovo.

Nijedan značajniji događaj nije protekao, a da nije medijski praćen, svaki od projekata koje realizuje Općina Trnovo medijski je ispraćen i prezentiran na web stranici. Ostvaren je svakodnevni kontakt sa printanim i elektronskim medijima, te saradnja sa jednom marketinškom agencijom.

Do svih dole navedenih informacija dolazili smo putem saradnje sa Općinskim službama ili prikupljanjem informacija na terenu.

U povodu obilježavanja Dana Općine Trnovo urađen je i Bilten Općine Trnovo, te se već pripremaju informacije i članci za naredni, izdanje 2022. godina.

Sačinjen marketing plan Općine

Stručni saradnik za informisanje izradila je prezentaciju u Power Pointu, uvrstivši prijedloge i sugestije svih pomoćnika Općinskog načelnika. U pitanju je marketing plan koji će sadržavati nekoliko marketing kampanja koje će Općina provesti u narednih 6 mjeseci, u saradnji sa marketinškom agencijom Mc Galery. U sklopu ovog marketing plana predloženo je i otvoren je nalog na društvenoj mreži facebook.

Provođenje kampanje “Ekološka svijest-pošumljavanje”

Organizacija, najava događaja, saopćenje, objava u medijima - Uposlenici Općine na čelu sa Općinskim načelnikom i Općinskim vijećnicima zasaditi će sadnice na dvije lokacije;

Objavljeno na portalu Radio Sarajevo, Dnevni Avaz printano izdanje, zatim na web stranici i podijeljeno na društvene mreže, te emitovan video prilog u emisiji Sarajevska hronika na kantonalnoj televiziji.

Provođenje kampanje “Obilježavanje svjetskog dana djece”

Organizacija odlaska osnovaca u Zemaljski muzej. U sklopu iste kampanje organizovana kupovina i podjela poklona u povodu dana djece i novogodišnjih praznika za djecu u predškolskom odgoju sa područja općine- Putujući vrtić. Objavljena saopštenja, agencija Galery podijelila na društvenim mrežama, saopštenja poslana na objavu u dnevni list “Dnevni Avaz”, te isti sadržaj objavljen u Sarajevskoj hronici na kantonalnoj televiziji.

Provođenje kampanje “Međunarodni dan planina i otvorenje nove zimske sezone”

Izrada novog promo videa Općine (izradio prema Ugovoru o djelu: Muamer Kolar). Objava saopćenja uz izjavu Općinskog načelnika, te premijerno pušten promo video na Dan planina, sve podijeljeno na društvene mreže, poslan promo video Kantonalnoj televiziji na korištenje u promotivne svrhe i za potrebe emisija Sarajevske hronike.

Tradicionalni sastanak Općinskog načelnika sa investitorima i privrednicima

Organizacija tradicionalnog sastanka Općinskog načelnika sa privrednicima i investitorima Općine, u hotelu Han na Bjelašnici, izrađeno saopćenje, uz izjave Općinskog načelnika i direktora ZOI-a, te objava na web stranici uz fotografije. Saopćenje podijeljeno i na društvene mreže, poslano na objavu u Sarajevsku hroniku Kantonalne televizije, te u printani medij “Dnevni Avaz”.

Poziv za saradnju- ZOI'84

Izrađen i poslan "Poziv na saradnju", potpisan od strane Općinskog načelnika za ZOI'84, saradnja se odnosi na promociju Općine na LED ekranima ZOI-a na Babinom dolu, te postavljanje zastave Općine Trnovo na jarbole kod polazne stanice ski-lifta. Saradnja dogovorena, poslana 4 komada zastave i promo video Upravi ZOI-a.

Udruženje "Porodice tri plus"

Sačinjen odgovor na upit u formi dopisa pomenutom Udruženju, potpisan od strane Općinskog načelnika, i poslan, odnosi se na usmjeravanje Budžeta Općine na pomoć I podršku porodicama sa troje i više djece.

Ažuriranje kartice "PRESS CENTAR" (vijesti, obavještenja i javni pozivi) na web stranici

Pisanje saopštenja vezano za poplave koje su zadesile našu lokalnu zajednicu, pisanje saopštenja i objava na web stranicu, te ista poslana Kantonalnoj televiziji, te slanje video izjava Općinskog načelnika sa terena u dane prirodne nepogode.

Pisanje članaka vezano za rad komisije za procjenu šteta nakon poplava, pisanje izvještaja sa terena nakon dostavljenih informacija od urbanizma i građevinskih ekipa na terenu, koje su radile na sanacijama šteta.

Pisanje članaka o statusima projekata, potpisivanje Sporazuma sa Opštinom Trnovo RS- takva tri u 2021. godini, vezano za vodosnadbijevanje, javnu rasvjetu i asfaltiranje lokalnih puteva, pisanje članaka nakon održavanja javnih rasprava na nacrt Budžeta, objava obavještenja iz službe za privredu, zatim obavještenja i upozorenja službe za civilnu zaštitu Općine, objava javnih poziva kako na web-stranici tako i u javnim glasilima, te saopćenje za web stranicu nakon posjete specijalnog izvijestitelja iz Vijeća za ljudska prava Evrope, te pisanje članaka nakon održanih sjednica Općinskog vijeća.

Ažuriranja web-stranice

Početak zimske sezone obilježen je i na web-stranici izmjenom naslovnih fotografija. Integrisana vremenska prognoza za Trnovo na web-stranici.

Izmjene contenta u karticama "Općinska administracija" po osnovu izmjene Odluke o organizaciji jedinstvenog Općinskog organa uprave, kao i izmjene u nazivu službi na zahtjevima u kategoriji "Formulari" na web stranici.

Integrisanje Monografije Općine na web stranici, nakon čega je Monografija dostupna svima, moguće putem web stranice čitati u on line izdanju.

U kartici "Dokumenti Općine" na web stranici unesen je Nacrt Budžeta Općine Trnovo za 2022. godinu i Odluka o izvršavanju Budžeta Općine Trnovo za 2022. godinu

Unos donesenih Odluka Općinskog vijeća

Na stranici "Propisi Kantona Sarajevo", koja je linkovana i na web stranicu Općine, uneseni svi objavljeni akti (Odluke, Pravilnici i sl) Općinskog vijeća u Službenim novinama.

Izrada dizajna

Osmišljen dizajn za poklon bonove za učenike OŠ "Zaim Kolar" Dežići u povodu početka školske godine. Izrada dizajna za notes formata A6 i džepnog notesa Općine Trnovo (upotreba detalja iz Odluke o grbu i zastavi, šta predstavlja kompozicija boja na zastavi, plava, bijela i zelena). Planirana izrada notesa, kalendara, olovaka i kesa sa logom Općine.

Administrativno tehnički poslovi službe

Za potrebe Službe izvršavanje administrativno-tehničkih poslova i zadataka.

Vođenje uspostavljenih registara u okviru Službe.

Prikupljanje i obrada podataka potrebnih za vođenje propisanih evidencija.

Pregled dnevne štampe svakodnevno.

Prikupljanje informacija i podataka o status projekata koji su u realizaciji od službe za urbanizam Općine.

Kontinuirano praćenje aktivnosti vezanih za stanje elementarne nepogode (dodijeljene pomoći od strane humanitarnih organizacija i viših nivoa vlasti).

Prosljeđivanje upita nadležnim službama i odgovor na upite koji pristižu na službeni email.

Vođenje evidencije o sastancima i aktivnostima Općinskog načelnika.

Praćenje i organizacija događaja po Kalendaru važnih datuma za Općinu Trnovo.

6. Stručna služba općinskog vijeća i općinskog načelnika

Poslovi iz djelokruga rada ove službe vrše se bez unutrašnjih organizacionih jedinica. Za vršenje poslova i zadataka iz nadležnosti ove službe utvrđeno je 7 radnih mjesta, od čega su popunjena 4.

U 2020. godini Stručna služba Općinskog vijeća i Općinskog načelnika je vršila sljedeće poslove:

- Organizacija sjednica i obavljanje svih stručnih i administrativno-tehničkih poslova koje se odnose na rad Općinskog vijeća, njegovih radnih tijela i Kolegija vijeća (*održano 6 redovnih i 2 vanredne sjednice Općinskog Vijeća, 8 sjednica Kolegija i 14 sjednica radnih tijela.*);
- Priprema odluka, drugih propisa općih akata i ostalih materijala za potrebe Općinskog vijeća, njegovih radnih tijela i Općinskog načelnika (usvojeno 35 Odluka Općinskog vijeća i 50 Zaključaka Općinskog vijeća);
- Pravno-tehnička obrada i čuvanje dokumentacije Općinskog vijeća i načelnika;
- Vođenje zapisnika i evidencije o održanim sjednicama Općinskog vijeća, njegovih tijela, kolegija vijeća i načelnika i donesenim odlukama i drugim općinskim aktima;
- Praćenje izvršavanja akata Općinskog vijeća, njegovih tijela i načelnika;
- Protokolarni, operativno-tehnički i drugi poslovi za potrebe Općinskog vijeća i Općinskog načelnika;
- Svi poslovi na organizaciji i pripremi svečane sjednice Općinskog vijeća;
- Utvrđivanje konačnih tekstova nacrti i prijedloga akata koje donosi Općinski načelnik kao i akata koje Općinski načelnik predlaže Općinskom vijeću;

- Kompletiranje i dostavljanje materijala za sjednice Općinskog vijeća i njegovih radnih tijela na način utvrđen posebnom procedurom;
- Izrađivanje akata nakon što ih usvoji Općinsko vijeće i dostavljanje istih nadležnim službama općine i drugim organima i Službenim novinama Kantona Sarajevo radi objavljivanja;
- Pružanje stručne pomoći i informacija koje su potrebne vijećnicima u vršenju njihove funkcije;
- Dostavljanje vijećničkih pitanja i inicijativa Općinskom načelniku, nadležnim službama općine i drugim nadležnim organima;
- Praćenje stanja i zakonske promjene u oblasti za koju je osnovana, te predlaganje nadležnim organima poduzimanje odgovarajućih mjera;
- Učešće u organizaciji programa i protokola za obilježavanje datuma od važnosti za Općinu Trnovo (delegacije za polaganje cvijeća ispred Općine i Općinskog vijeća);
- Organizacija, sprovođenje i koordinacija posjeta stranih i domaćih delegacija, investitora, te predstavnika javnih ustanova i institucija;
- Priprema press konferencija i intervjuja Općinskog načelnika, rukovodilaca službi, predsjedavajuće Općinskog vijeća i njenih zamjenika kao i njihovo gostovanje u medijima;
- Oglašavanje u javnim glasilima za potrebe općine (objavljivanje javnih poziva u službenom listu i na web-stranici Općine -18 objavljenih javnih poziva);
- Odgovara na direktne ili telefonske upite za Općinskog načelnika, dočekuje klijente, poslovne partnere, zaposlene i druge koji su došli kod rukovodioca organa i uslužuje ih dok ih rukovodilac ne primi;
- U dogovoru sa Općinskim načelnikom zakazuje sastanke i vodi računa o rasporedu njegovih sastanaka, vremenu i mjestu njihovog održavanja

Broj: _____
 Datum: _____. godine
 Trnovo

OPĆINSKI NAČELNIK
 Ibro Berilo